

因得淮于鍾城使司直康興孫權管高嶺鎮防禦回 諭曰河
伊亂距鍾城不遠夫乙豆等其種不多敢稱舊釁又來作賊置
此不問無以示威今卿因巡邊招會寧鍾城近居兀良哈等語
之曰今上以汝等悔禍自新欲朝者悉令上送將待之如初諭
書方到夫乙豆等又來作賊若啓此事上必震怒將有玉石俱
焚之禍汝等若不與則其速問為寇者并其所掠拿來庶無後
悔宜往議諸酋急圖之彼若聽去而托辭不拿來則須有侵語
使彼知國家終不置之遷延之計不得不變矣宜語之曰汝等
每言悔罪効順今乃如是可乎我今以是啓聞上必有處置後
悔無及宜早圖之如是恐動觀其所為徐徐詳問彼賊姓名居
處馳啓又高嶺要害之處節制使旅帥等皆被囚其勢孤單宜
加隄備且可整鍊諸鎮士馬又斡朶里骨看兀狄哈等依前諭
書至冬上送兀良哈姑停以待 秋七月庚午朔 御康寧殿
河東君鄭麟趾蓬原君鄭昌孫高靈君申叔舟上黨君韓明滄
領議政具致寬左議政黃守身右議政朴元亨左贊成崔恒右

贊成曹錫文仁山君洪允成吏曹判書韓繼禧兵曹判書金國
光大司憲梁誠之中樞府同知事魚孝瞻任元濬徐居正鄭白
英刑曹判書洪應行戶曹參判成任二曹判書丘從直中樞府
判事金守溫禮曹參判姜希孟行大司成金禮蒙漢城府右尹
李坡吏曹參判慎承善工曹參判李丙及承旨等八侍講儒生
金溫等八人經書又講東國通鑑修撰郎官李封李瓊全李孟
賢金克儉崔淑精趙益貞等仍設酌諸宗宰以次進酒至昏乃
罷○傳于兵曹曰外方習陣自四月至六月姑停之○承政院
奉旨馳書于咸吉道節度使曰騎牛賊三人寇於水建堡宋
碩孫等預知備禦而不能盡捕無勇莫甚此是平日應變疎虞
軍律不整之故其守令萬戶等窮推以啓○上出內藏大明講
解律及律學解頤律解辨疑等書命大司憲梁誠之校正分
送講解律于慶尚道解頤于全羅道辨疑于忠清道使之刊印
各五百件廣布中外○日本國上松浦一岐州益津留松林院
源重實藝州海賊大將藤源朝臣村上備中守國重等各遣人

來獻土物○癸酉日暈○傳于司憲府曰宣傳官鄭訓奸外祖
任孝仁之妻其推鞠以啓訓在襁褓育於孝仁家孝仁年老有
小妾曰觀音婢訓通焉隣里族黨喧傳不已而孝仁不識也一
日孝仁令妾往金浦村莊監收秋稼妾辭曰妾以女子獨行於
意未安請與訓俱孝仁從之遂與偕往同處一室數月不返穢
聲愈騰其後訓為宣傳官兵曹以訓無行置下考○上問兵曹
曰何故如是兵曹對以實故有是○命○初忠清道河川人許
仁友與僧慶浩等七人到正兵崔現生家因鬪杖殺現生三歲
兒夫斤觀察使具辭以聞○上命承政院馳書觀察使曰今以
慶浩為殺夫斤然方末乙同劉臣中皆現生切隣不可為公證
且暮夜羣鬪不知某為下手分棟為難夫斤致死之由曾不閱
實於同行僧輩且其所殺之杖非慶浩所持乃制杖而打之今
不問制杖者為只據兩家和論文券而取實大抵是非之間厭
苦因繫兩相和論常情呀同不可執一論也如此曖昧情節頗
多而不為分棟一以慶浩打殺為是而啓達深為不當其初鞠

守令推鞠以聞○承政院奉旨馳書于平安道觀察使曰道

內咸從縣見獲賊人朴愛見僧雲宥等諸人若使差使負推鞠

則其心既以為賊必不詳審濫加刑杖卿可親鞠以啓○甲戌

以柳子煥為箕城君姜希孟禮曹判書柳湊文川君柳泗文原

君徐居正禮曹叅判閔孝男兼司憲府掌令安迢全羅道觀察

使希孟文學絕人至是上益知名顯用○坡州住別侍衛全

致敬妻古未與隣人萬中潛奸乘致敬病謀殺之公然同居其

後從萬中而逃上聞之大驚曰法所當治命承政院馳書

于八道廣行搜捕有能獲者重賞容接者有大罪○乙亥大風

命於諸處嚴加禁火夜又遣分內禁衛別侍衛兼司僕等討捕

姦細人恐乘風縱火也○丙子上不豫○工曹判書丘從直

進興學條件其一曰古者家塾黨庠術序國學無一地非學後

世家塾之法廢故窮材僻巷後生年少雖有良才羨質安能自

發其蒙臣願州郡各里擇有學行者為之師俾教近居子弟書

其姓名以次而報轉聞于上如有効益命除身役其尤良

者則或授散官之職則朝耕夜讀之風興於里巷壯而從軍者亦知尊君親上之道矣其二古者執戈戟以宿衛王宮皆士大夫之職秦漢而下此制既廢陞楯執戟或環以推埋噉悍之徒良可慨也方今都摠管衛部將皆兼士大夫之職此即三代以前之良規也臣願騎門羽林之士小學五處粗通以上者試許初爵則雖未入精微之蘊者亦知為臣死忠為子死孝之道矣其三今京外任師儒之責者蹈襲儕輩之述幸中科第而躡居臯比者間或有之臣願任鄉校之責者令其道監司守令一同考講分等置簿以次而用之則庶有作成之効而無亥豕魯魚之嘆矣其四文武並用古今之通道不可輕重於彼此也臣願科舉取士之際於文科入格之中曾入武舉鄉觀試者則其分數視他加給於武舉入格之中有曾入文科鄉館試者則其分數亦視他加給則文武之才皆兼習而不偏廢矣其五經史之中嘉言善行具在小學一書誠學者成始成終之書也臣願文科講經之際須以小學備一經則其所趨正而不失為君子之

歸矣其六國家於庶府百司雖署局小司尚有提調以兼領之
臣願宗學四學各置提調常考勤慢之實則任師儒之責者庶
盡其職而學徒亦不至於怠弛矣其七孔子曰弟子入則孝出
則弟行有餘力則以學文釋之者曰德行本也文藝末也欲修
德行須踐古人之迹然後德乃成也臣願科舉取士之際必以
博通經史為先製述為後則士習不至於浮靡矣其八孔子曰
舉爾所知前司成臣朱伯孫前司藝臣林守謙前直講臣李克
增檢詳臣李克基經歷臣丘致峒郡守臣金映璧縣監臣金石
通臣方綱等八人學術精深皆可為人師也隨其爵次俾任成
均宗學四學之責則學徒必皆樂為子弟而父兄之願屬子弟
者宜亦衆矣此亦興學之一端也從直為人性鹿鹿率雖名師儒
而其實則不達文理自教官一歲間起至判書寵幸日深而從
直一於迎合凌蔑先輩○黃海道海州人金孝生上言黃州廳
庫收場非絕島乃連陸之地每歲馬為虎所傷故邑民雖夏節
來往改築因此失農請移放於安岳溪島廢采摺島中以休民

力上與朴元亨議之元亨議諸島牧場非盡絕島馬若為虎
所傷則節度使自領軍捕之不可移放從之○日本國關西
路肥筑通守菊池藤源朝臣為邦畿內攝津州兵庫津平方式
部尉忠吉肥前州田平寓鎮源朝臣彈正少弼弘一岐州倭護
軍藤源三甫郎大郎等各遣人來獻土物○丁丑兵曹啓舊法
兩界軍官唯節度使外諸鎮諸口子則用下番軍士今軍士分
三番四朔相遠則番遠頻數往來有弊請諸鎮諸口子軍官亦
勿論番遠而口傳周年遠差上曰赴防軍士勿論番遠毋過
其番日數○傳于兵曹曰諸邑軍士並令軍三番五朔相遠正
兵則分七番二朔相遠○傳于刑曹曰天人一理動靜相應豐
歉治亂安危盛衰皆在民生之憂樂國家大事刑獄最大而官
吏不體予意枉刑者頗多是法令不嚴不信之所致不嚴則無
所畏不信則無所令今以數條更降遵守節目如左一初刑問
詳緣京中則落聞後施行外方依大典施行後即啓一獄囚死
囚雖病死者每月錄啓未決獄囚具其事由並始囚日月以啓

一非法刑人者雖一笞皆以濫刑論一久滯獄不修獄不牢獄漏通虐囚官吏獄卒或以制書有違律或以毀棄制書律論一枉刑官吏隨其輕重重者至於絞斬其以此曉諭中外○平安道觀察使吳伯昌據滿浦節制使鄭山彙呈啓六月二十四日有人男小吾稱女者羅巨率童子三人來江上使通事問之者羅巨言我本唐人前十七年間被擄於古納哈為李滿住家人西弓柳之妻產二子豆郎巨勞老其後嫁小吾稱產一子弓多乃即今帶來者是也然古納哈性惡飲酒發狂不分金刃打殺西弓柳吾等恐又見害日夜畏懼乘古納哈之出逃來貴國願因還本土小吾稱亦中原瀋陽衛人也為李權赤所擄轉賣於古納哈今五六年矣據者羅巨之言以豆郎巨為已子古納哈則云豆郎巨非者羅巨之子乃吾所得於父滿住之奴也其言不一又者羅巨言前十七年間產其子豆郎巨而豆郎巨時年十九歲言又不一况自以為中原之人而父母族派州里之名都不記憶問其處動靜則答云去四月古納哈率三百餘兵向

貴鎮云欲剽略人物以償稱波右行至中路而還者羅巨之言
大率乘戾反覆詰問則者羅巨曰西于柳交嫁日月更思之則
乃年十六七歲時也其他違端并以不知答之故不得歸一推
問移送江界府以避彼人戶亦移文江界云小吾稱等安慰供
饋以俟朝廷處分若古納哈更來尋討則答曰前者已通於沿
江諸鎮問小吾稱等來否諸鎮之報未至 上即下申叔舟韓
明澮及議政府都摠府兵曹禮曹議之叔舟以為者羅巨之言
多抵牾似非唐人小吾稱雖實唐人勢不可獨送古納哈若來
求不置則宜並還給明澮以為解送小吾稱餘宜還給具致寬
以為小吾稱等自不記中原族係州里其為唐人不明然古納
哈以小吾稱為唐人者羅巨被擄日月及自己年歲各異告稱
的赫唐人宜只解送小吾稱黃守身朴元亨崔恒曹錫文等以
為小吾稱雖元係唐人與者羅巨及小童同時逃來若獨解送
小吾稱於遼東則恐復有前日宋全之讒言並令邊將還給古
納哈金礮以為小吾稱則古納哈亦以為唐人不不可不解送者

羅巨雖不記族係州里似非唐人然自稱唐人而其夫小吾稱亦解送遼東則者羅巨並宜解送全國光以為小吾稱獨解送遼東則妻子分離其怨不小恐有讒訴且古納哈以不還給為怨生釁丁寧宜令邊將並還古納哈沈澮以為者羅巨言雖不一小吾稱亦未的知為唐人更悉訪問若實為唐人則留小吾稱餘皆還給康純以為小吾稱雖實唐人派係難知並還其主康孝文以為若以小吾稱為實唐人只令解送則遠離妻子必懷憤怨恐有意外之讒野人構怨多為唐人還本况同時逃來之人不可區別古納哈若來尋之宜並還給盧恩慎以為小吾稱等雖實唐人不可奪彼與彼以重其怨於我無益若不留置我國則遠古納哈叔舟更議若並解遼東則其咨當云古納哈言小吾稱非唐人者羅巨之言亦多違端然自言上國人民不可不解其語古納哈則云雖實為汝奴婢然自稱中國之民不可不解故具汝辭緣咨送汝可告辨於遼東此似正大然怨歸於我而息在於彼重彼之威而示我之弱可乎依舊例並解遼

東則中國以例事不甚致意而古納哈失數口奴婢其怨必深是無故而媒怨於人也獨解小吾稱餘還古納哈則古納哈雖喜而小吾稱必怨怨則必訴而生釁矣招至王京詳理還給則建州開原距遼東甚邇非如咸吉後門也小吾稱等後若還逃則必訴招京還給之事皆所不可臣竊意今置小吾稱於江界以待古納哈之請以邊將之意答曰前日汝皆還去而小吾稱等出來詳問情狀實非唐人今並還給避苦就樂人之常情勿更侵虐存撫率居暑又侵虐後不復還如是語之則古納哈必深感一可也小吾稱雖不遂本願亦不深怨二可也後或逃歸遼東而訴不解送則推之邊將答之有辭三可也從叔舟議

○戊寅 傳曰自今除官者下批後五日內給告身頒祿司諫院隨後考准啓聞舉覈舊法東西班五品以下告身待臺諫署經方許成給以此軍士告身率多淹滯不得以時受祿故有是命○傳于忠勳府曰功臣內老病者有服制則啓聞解素○己卯 命傳平安道量田及江邊諸鎮號牌○忠清道觀察使李

承名據永春縣監曹尚謙呈啓本縣今春等所糶焔焔雜物都
會所忠州官督令輸納本縣連年失農專以草食為資乃用羸
瘦牛馬輸納遠途其弊不貲况本縣正人已曾習糶請於本縣
糶之輸于都會所 從之 命并移他道且停今年糶取○傳
于義禁府刑曹曰限本月十八日夜決獄囚務令畢覈其中難
以處決者磨勘取旨益慮獄囚淹滯無辜者或受其害也○庚
辰成吉道節度使鄭文炯據慶興鎮節制使鄭夏生呈啓野人
阿洛豆米來言骨看兀狄哈謂諸青巨云即今農布野欲於慶
興撫夷造山等處聚軍馬窺伺乘虛突入搶擄人畜汝其盡出
男丁為我鄉導又會寧鎮節制使魚有沼呈幹朶里童也可赤
來言兀良哈弓時應巨云前者仇麟巨破可大等謀欲入寇已
發向潼關又鍾城鎮節制都尉鄭禮孫呈兀良哈毛伊乃來告
妻父致邑多使人言曰指揮班車以前日穩城之戰本鎮入金
用達多殺族類欲復其讎與同里人約入寇高嶺潼關已發程
矣臣以諸鎮所報未可盡信然骨看自侵掠慶興葦池以後如此

來告不已兀良哈則殺擄高嶺人物今又發兵其計難測故
農民守護防禦諸事已移諸鎮嚴加布置其中草窳兵弱賊路
四通如富寧惠山尤為可慮令抄發五鎮精騎及北青洪原下
番軍士防戍臣亦勒兵待變 御康寧殿召蓬原君鄭昌孫高
靈君申叔舟上黨君韓明澮仁山君洪允成南陽君洪達孫領
議政具致寬吏曹判書韓繼禧戶曹判書盧思慎刑曹判書洪
應工曹判書丘從直及承旨等議隄備便宜 諭文炯曰今見
卿慶興會寧鍾城等處聲息啟本具悉事狀固宜嚴加隄備然
當農時每因虛聲輒別送赴防慮致先自疲弊卿宜斟酌○傳
于兵曹曰平安道今年徙居人勿送黃海道徙居人只送今年
分定人○承政院奉 旨馳書于平安道觀察使曰道內永明
寺七佛寺及龜城功作一皆停罷○日本國對馬州宗誠職宗
彥八郎茂世等各遣人來獻土物○辛巳 諭平安道觀察使
吳伯昌節度使金謙光曰今來小吾稱等實非唐人諭鄭山彙
諭書及事目同封而去卿知此意事目一小吾稱等以邊將言

還給古納哈仍語之前日汝既還小吾稱等乃來詳問情狀實
 非唐人今並還給避苦就樂人之常情勿更侵虐存撫率居汝
 若存撫則豈必復逃一還給時古納哈若問小吾稱到來日時
 以實語之且曰李豆里來時方報節度使待回荅故不敢語之
 耳勿言啓聞節次一若古音哈不來而建州人來則語小吾稱
 還給之意招古納哈親給建州人亦久不來則使人招古納哈
 若有故則給付親信人一小吾稱等若先知還給之意則或逃
 或自盡可慮勿露此意其諭山彙書曰今來小吾稱等待古納
 哈之來依同封事目開說還給初山彙為滿浦節制使與彼人
 多言 上以裴孟達代之 召問兵事孟達無學術昧於兵法
 一不能對故以山彙還任之仍 諭曰議者云爾對彼人說話
 多詳慮或為彼所輕以是適任然更思之無如爾久諳北狄之
 情雖有多言之失然不多言則無以得彼之情狀但慎機關事
 體耳○承政院奉 旨馳書于平安道巡察使李繼孫曰今尹
 子雲所刷流人今秋願還者多兩道之間山深早寒道上恐致

飢凍預擇差使負泐道應接流人本家應皆頽破待還自修則地凍不可及亦宜預加修葺多方布置使不失所又馳書于咸吉道觀察使曰尹子雲所刷流入今秋願還者多兩道之間山深早寒道上恐致飢凍卿宜預擇差使負泐道護送多方布置使不受苦且勿驅迫一從所願續續分運出送○以鄭文炯行中樞府僉知事康孝文咸吉道節度使○傳于兵曹曰今後番上軍士親病陳省勿報觀察使所居邑直呈兵曹○兵曹詳之軍器以啓軍器寺鄉角弓七百四十張康角弓五百張錯箭八百八十部磨箭一千五百部筒箭每部筒一具五百部神機箭一千四百部中箭七千二百細箭四千八百弓弦六千箇鐵甲具頭具十方領大諍具槌十二中錚小錚具槌各二十大將麾五衛將麾二十五鼓二十大角二十小角十大將標旗一衛將標旗五部將標旗二十五統將標旗一百旅帥標旗一百五十隊正標旗二百五長標旗二百五十遊軍將標旗五領將標旗二十五彎強壯勇破敵控弦雜類獅子射隊標旗各一雜類統將標旗五

大將招搖旗一衛將招搖旗五部將招搖旗二十五遊軍將招
搖旗五部將令下旗一百統將令下旗一百五十旅帥令下旗
二百隊正令下旗二百五十遊軍將領將令下旗各二十五大
發火四百八十中發火一千二百小發火六千地火一千二百
開城府忠州洪州慶州安東晉州尚州星州金海密陽全州羅
州濟州光州南原長興順天海州江陵咸興吉州鍾城穩城會
寧慶源平壤安州義州各鄉角弓五十七張磨箭二十九部筒
箭二十八部長槍二十二柄中槍三十三柄環刀五十七把弓
弦一百十四箇鐵甲五領大錚一中小錚各三鼓二大小角各
三水原江華南陽公州清州泰安蔚山咸陽豐基陝川永川興
海清道寧海迎日熊川善山昌原扶安茂長靈巖靈光樂安錦
山興陽黃州延安長淵平山原州三陟永興定平鏡城安邊定
州成川肅川寧邊各鄉角弓四十六張磨箭筒箭各二十三
部長槍十八柄中槍二十六柄環刀四十六把弓弦九十二箇鐵
甲三領大錚一中小錚各二鼓二大小角各二廣州揚州驪興韓

山舒川沔川瑞山林川天安沃川青松草溪鎮川報息醴川榮
川梁山咸安金山昆陽大丘義城宜寧盈德昌寧泗川居昌巨
濟南海彥陽河東長鬻固城古阜珍島淳昌金堤務安咸平沃
溝光陽海南瑞興白川谷山遂安安岳豐川瓮津襄陽平海杆
城北青慶興德源富寧文川端川江界昌城朔州慈山宣川順
川泰川熙川价川各鄉角弓三十六張磨箭筒箭各十八部長
槍十五柄中槍二十一柄環刀三十六把弓弦七十二箇鐵甲
二領大錚一中小錚各二鼓二大小角各二長湍交桐富平仁
川利川楊根豐德安山安城槐山鵠山堤川德山平澤稷山息
津沃餘庇仁結城保寧藍浦永同溫陽丹陽清風慶山開寧三
嘉河陽漆原仁同知禮安陰高靈玄風軍威比安義興靈山機
張綾城龍安咸悅高山泰仁興徒井邑高敞求禮谷城長城任
實長水鎮安茂朱同福大靜旌義潭陽益山康津新溪信川鳳
山載寧康領鐵原通川寧越淮陽春川蔚珍洪原利城高原江
西龍岡三水咸從永柔甌山三登殿山祥原中和德川嘉山郭

山鐵山龍川碧潼理山龜城各鄉角弓二十六張磨箭筒箭各
十三部長槍八柄中槍十八柄環刀二十六把弓絃五十二箇
坡州高陽交河通津金浦陽智朔寧麻田永平龍仁振威陽川
砥平抱川積城衿川川寧連川陰竹陰城加平竹山果川文義
懷仁定山青陽延豐陰城清安懷德鎮岑連山尼山大興石城
海美康津新昌禮山木川全義燕岐永春黃澗青山牙山咸昌
聞慶禮安清河奉化鎮海真寶丹城龍宮山陰新寧臨陂萬頃
金溝龍潭玉果礪山南平珍山昌平珍原雲峯和順免山文化
牛峯長連松禾殿栗江陰伊川平康金化狼川洪川楊口麟蹄
安峽高城平昌金城歙谷旌善橫城三水甲山博川雲山渭原
順安孟山陽德各鄉角弓十七張磨箭九部筒箭八部長槍七
柄中槍十柄環刀十七把弓絃三十四箇已上軍器一年一造
旗髦則二年一造上貢數外皆藏巨鎮甲冑鉦鼓角則唯於巨
鎮造納○壬午 御思政殿受常參 召南陽君洪達孫左參
贊尹子雲吏曹判書韓繼禧戶曹判書盧思慎刑曹判書洪應

及承旨等設酌又 召內禁衛兼司僕令各陳牧馬之法又疊
鼓 召八番軍士二千餘人于勤政殿庭賜酒○癸未 命注
書盧盼徃義禁府典獄署審視囚人居處洒掃鋪陳汲水等事
以時暑熱囚人得病者頗多也○吏曹啓延日縣監楊治嘗為
靈光郡事以不廉受罪請改差 從之○甲申圓覺寺白玉佛
像成迎入舍元殿設點眼法會○咸吉道節度使鄭文炯馳啓
臣遣兀良哈柳尚冬哈幹朵里李家紅就高嶺作賊人處問曰
曩歲汝輩自作不靖以犯天討又不悛心累侵邊鄙國家將舉
兵問罪諸酋雲集投降曰願自今易心改過永世順服苟有異
心者我等當繫致營下故國家寬汝等之罪撫恤如舊不意近
者羣聚窺覘殺掠刈草人畜歸順之意安在柳尚冬哈還言曰
豆門住兀良哈什里應巨弓里應巨等云弟家里應介前年寇
水建堡邊害而因奪其馬故欲報其讎與河伊亂住波加大酋
都古等相結犯邊虜其牛馬今因汝等之言吾輩亦欲歸順乃
還牛馬李家紅亦曰見波加大等致節度使之言波加大言吾叔

父吐波等被殺於鍾城妹夫家里應令被殺於稽石堡南都古
言父回陽古被殺於鍾城以故皆追怨不已侵犯高嶺虜牛馬
而來今因汝等之還各歸牛馬臣計彼人搶去頭畜勢將畢還
回 諭文炯曰卿到任以後一無謬誤適有高嶺之事賊必以卿
為未諳軍旅而輕侮之或有不度情勢妄構不靖故以康孝文
代卿同封事目詳審施行嚴令諸鎮更謹堤備以待孝文一前
去諭書應未及到到則宜審所諭語尚冬哈曰汝等須拿此賊
來庶明歸順之意彼之族親為賊故我自殺賊耳彼之讎我是
何理也死於穩城而報之於高嶺之民亦何理耶彼與汝等皆
同類兀良哈也吾亦報之於汝等亦有當理乎汝等以其無理
之事輕犯大國大國其終不討耶若及其禍未作而拿致謝罪
則猶可止禍不然則吾未知汝類存亡也其速圖之無遺後悔
一以汝等歸順今冬特許欲朝者皆上送將待之如初諭書方
到而又作賊汝兀良哈等若不拿賊則何辭上送汝亦何顏朝
京乎今雖刷還牛馬毋現嘉尚之音益責拿賊之事一盡數

拿致則上策也雖不能盡數而過半拿致亦上策也若只拿數人而殺之是更生多賊無益也卿觀勢自量若不能為半拿致而自來者少則當叱之曰汝何獨來是朝我也來則盡來謝罪然後為汝啓聞勿接待還送若自中有拿致者勿論多少皆囚以啓然事機多端在鄉斟酌○丙戌傳于吏曹還給朴去頑告身○以法會之日有瑞氣放光雨花設利之異百官上箋陳賀○傳于漢城府曰凡應受戶牌者雖不在丁卯戶籍其後式平戶籍現錄者聽給且凡私賤其傳係文券雖不經官府而有可考則不拘年限並許取實○戊子上不豫○賜拔英試具榮宴于議政府○己丑拔英試文臣中樞府判事金守溫武臣行司正琴徽等進謝 息箋曰龍虎榜開大闢風雲之會魚藻宴錫共霑雨露之私糜粉難酬佩銘曷已伏念臣等鈇槩末技价曹微蹤器謝經邦濫與陶鑄才非禦侮獲叨甄收何圖罕古之別科反及無能之賤品撫躬增懼揆分踰涯况此雲天之殊恩實是乾坤之洪造官壺漱澀骨於浹肌於淪仙樂鏗鏘丰之

舞足之蹈寵榮若此前古所稀慈蓋伏遇邁舜聰明齊湯聖敬
請文武之並用實國家之長圖遂令臣等之踈愚獲被睿澤之
優渥臣等敢不仰九天於咫尺祝萬壽於岡陵○庚寅 召工
曹判書丘從直中樞府同知事鄭自英刑曹正郎俞鎮及宗學
司誨金宗蓮講論四德四端之說宗蓮不能對○命右副承旨
魚世恭往平安道刷本道流民并覈守令○辛卯 傳于刑曹
曰奇石以守門別監聽內人請辭呼熟手奴同金使至慶會樓
下受內人饋飯崔順義不佩三稜牌冒入水刺間內門受內人
饋飯並推鞫以聞○壬辰 召工曹判書丘從直中樞府同知
事任元濬鄭自英刑曹正郎俞鎮觀察正安孝禮又 召高靈
君申叔舟吏曹判書韓繼禧戶曹判書盧思慎以四德四端之
說 御製策題聚宗宰文臣及自願製述人對之 命右叅贊
金磧收卷對者纔三十餘人○兵曹據慶尚道觀察使關啓倭
人表仰古羅來言往者大內殿及小二殿爭地相鬪小二殿不勝
逐處對馬州今本國殿下以小二殿累代相傳惣治十州之

人大內殿闔而奪之遂勅對馬州還小二殿於本處宗成職亦
整齊兵船而九州軍士屬於大內殿故不得發兵遂上書于本
國若勅書回到則必發大國三浦恒居之倭臣等計倭人本鼠
竊狗偷貪利之徒其謀難測請令沁海諸邑預為隄備以備不
虞 從之○癸巳 御康寧殿召河東君鄭麟趾蓬原君鄭昌孫
高靈君申叔舟領議政具致寬右議政朴元亨上黨君韓明滄
左議政黃守身右贊成曹錫文左叅贊尹子雲右叅贊金碩兵
曹判書金國光吏曹判書韓繼禧刑曹判書洪應大司憲梁誠
之大司成金禮蒙等為對讀官考閱昨日所製 上親臨科次
取中樞府判事金守溫等十二人名曰登俊試永順君溥亦中
二等 上深加褒獎 賜 御衣一領仍 命擇日進豐呈又設
恩門宗親先生同年等宴○傳于禮曹曰登俊試諸事依拔英
試例施行蓋宰相赴試自拔英宗親赴試自登俊始○義禁府
啓兼執義姜遇文謀害十承利誣以圖魯山之形而致祭乃自
作亂言虛事啓達罪應斬馭差官李箴等聽遇文教誘促承利

呈報判官崔汝貞符同遇文取德生麻草無根之言一樣取招書吏鄭致善不知魯山之祀而自謂聽知伴人沈熙附遇文誣言德生等謂承利圖魯山之形而致祭都事洪剛感於無根之言符同啟達罪應杖一百流三千里從之○甲午以禮曹判書姜希孟加正憲大夫守工曹判書丘從直加資憲大夫鄭蘭宗為禮曹參判工曹參判李芮加嘉靖大夫中樞府同知事徐居正任元濬加資憲大夫以中登俊試也姜子平承政院同副承旨成允文司諫院司諫宋文琳忠清道觀察使文琳性剛正好激揚以永順君溥中樞府判事金守溫戶曹判書盧思慎資高聽其子弟代加命守溫鞍具馬一匹溥及希孟居正思慎元濬各兒馬一匹○乙未賜登俊試恩榮宴于議政府命都承旨申漸賚宣醞賜紅牌鞍馬等物仍留壓宴又命河東君鄭麟趾蓬原君鄭昌孫高靈君申叔舟上黨君韓明澮領議政具致覓左贊成崔恒右贊成曹錫文漢城府尹李石亨左叅贊尹子雲右叅贊金磧兵曹判書金國光吏曹判書韓繼禧中樞府知事鄭軾

同知事魚孝瞻大司憲梁誠之上護軍宋處寬刑曹判書洪應
戶曹叅判成任行大司成金禮蒙等往赴○丙申承政院奉
旨馳書于濟州牧使李由義曰前者姜遇文啓川外堂神畫像
已燒今得遇文造言生事之情已治罪其堂神依舊致祀○日
本國對馬州太守宗成職一歧州上松浦鹽津留觀音寺宗殊
等遣人來獻土物對馬州向化護軍波古時羅亦來獻土物○
丁酉承政院奉 旨馳書于慶尚道觀察使曰道內囚前山陰縣
監吳達善獄監考金貴明生徒鄭變周鎖匠甫羅官奴上左等
著枷縛手差守令次次押領傳驛上送其在逃記官曹欽陳從
東儉等備錄形標年甲并移他道廣行知會捕獲達善枉殺獄
囚故有是 命○戊戌日本國對馬州太守宗成職肥前州上
松浦鴨打源永等各遣人來獻土物○己亥傳于刑曹曰宦官
金潔贖杖一百徒三年宋重金孝江韓孟孫各贖杖一百○登
俊試金守温等奉箋謝 恩永順君溥又奉箋謝仍進豐呈
上與中官御思政殿受之宗宰以次進酒樂用定大業之舞又

奏金剛山曲 命守溫等賦金剛山曲詩極權而罷○刑曹啟
兼司僕琴徽塗改仕日牒增祿仕到罪應杖六十 命止咎五十
○統洪剛于盈德李箴于寧海沈熙于泗川崔汝貞于茂長鄭
致善于康津○八月庚子朔 上不豫○日本國對馬州太守
平朝臣宗成職一歧州上松浦益津留觀音寺宗殊一歧州守
護代官真弓兵部少輔源永各遣人來獻土物○壬寅 傳旨
義禁府曰楊汀子有源得源繼源並屬星州官奴○癸卯 傳
于禮曹曰自今文科榜目議政府禮曹成均館各藏一伴○
甲辰臺諫啓曰楊汀之罪死有餘辜法所不赦其妻子請並依
律施行 傳曰汝等之請則可於法有不可朝廷處置非汝輩
所知竟 不允○乙巳永順君溥設賀宴于其第 命大小文
臣往赴又 命左承旨尹弼商左副承旨李壽男同副承旨姜
子平賈宣醞賜之○司憲府大司憲梁誠之司諫院大司諫申
末舟等上疏曰臣等竊謂有罪必罰則為惡者知所懼罪重
罰輕則為惡者無所懲近日請將楊汀妻孥悉置於法累瀆

天聰並未蒙 允蓋天下之惡莫大於叛逆也楊汀身犯莫大之罪死有餘辜律有緣坐者誠以誅止其身則無以懲大惡而鑒後世也儻以楊汀素有微勞不忍置法汀本草萊賤卒遭際攀附特蒙 眷遇置之勲列位至極品 聖上之所以酬功可謂至矣汀宜益勵忠節終始如一以圖報 聖恩之萬一曾不是顧反懷不道之心比之於他其情尤甚安可為是而屈大法乎伏望斷以大義一從律文以快臣民之憤以伸天下之大法以懲萬世為惡之人○丙午承政院奉 旨馳書于全羅道觀察使曰羅州都會號牌御史李調元敬差官朴遂智等給牌時光州公私賤文籍無遺上送其監考光州住鄭以孝書真金興順金與同羅州記官陳浩並械送○丁未 命下女伶從伊于義禁府遂沒財產○傳旨義禁府曰宦官李得守禁身待翌日決杖八十○咸吉道節度使鄭文炯馳啓童關住兀良哈請朝京獻馬者多臣答曰近來汝輩悔過自新今冬 下諭諸種願朝者悉令上送今高嶺有變 上必震怒將有玉石俱焚之禍

况望朝京乎幹朵里兀狄哈當依 諭上送汝輩則難矣兀良哈
等曰罪人則已矣吾輩效順無貳乞許赴朝又啓曰臣曾奉
下諭招愁喇兀良哈柳尚冬哈要時老於麟哈等詰之曰汝等
若不干高嶺之賊其賊魁及其里頭酋可速拿來尚冬哈等承
諭而去於七月二十日尚冬哈率豆門住賊魁仇里應哥父權
豆其里頭酋仇郎古要時老率何伊亂住波加大等來鍾城臣
問權豆曰汝子何故犯邊答曰癡兒未忘其兄於加應哥被殺
之嫌妄犯邊境旋自悔恨深願歸命搶去頭畜即皆送還但以罪
魁不敢來見使我為之先歛俟命爾問仇郎古曰仇里應哥汝
之管下也當初作謀時汝豈不與知乎答曰吾輩元不同處况
因田獵為生未嘗在家被愚駭之徒潛窺大國初未之知也後
乃聞之責讓本人彼亦悔罪已還所虜頭畜矣問波加大曰汝
何故犯邊答曰叔父土音好與其子高羅介效順上國歲庚辰
到鍾城無罪見殺心常痛憤里中人夫乙豆亦以其父見殺於
鍾城共謀報復潛往鍾城伏城門外三日竟不見人迨至高

嶺道遇獵者二人射之並槍馬匹今皆送還臣曰汝等諸酋每
言歸順今乃如此國家豈無處置火炎崐岡玉石俱焚汝輩其
能免乎皆惶懼謝罪臣語尚冬哈曰汝之從弟都羅伊與仇里
應哥共犯邊境人皆云汝亦與知荅曰都羅伊雖是族親未嘗
同處潛行入寇吾何與知吾自少時一心順國今頭髮已白過
蒙厚恩位至中樞凡干聲息馳報之事不憚艱險生死以之今
聞此語不勝痛心臣曰往來行言吾豈盡信可勿見疑然觀其
辭色必與知者也 上下議政府都摠府議之○日本國西海
路周防州住大內進亮多多良朝臣教之對馬州太守宗成職
平朝臣宗彥九郎貞秀等各遣人來獻土物○戊申女伶從伊
暴死嶽中命還給財產○己酉漢城府尹李石亨加崇祿大夫
咸禹治為東原君申末舟刑曹叅議慎後甲司諫院大司諫姜
允範守慶尚道觀察使魚世謙中直守宗薄正石亨主京外號
牌之事今將往諸道檢察故有是拜 上欲得文武備具者不
次擢用金國光韓繼禧交薦世謙得薦是職○謝恩使尹吉生

來復 命○庚戌咸吉道節度使康孝文辭 上御康寧殿命
高靈君申叔舟領議政具致寬吏曹判書韓繼禧戶曹判書盧
思慎禮曹參判鄭蘭宗行護軍李約東等入侍設酒飯饋諸宰
樞仍 賜孝文 御乘鞍子一面絲段貂皮衣一領耳掩一事
馬裝弓矢兩具親授鎮守方略又 賜思慎繼禧申泐約東魚
世謙等鷹各一連○義禁府啓前坡州牧使尹堦械囚部民私
奴金祿連日枉刑以致殞命欲掩杖殺之事收布民戶賂金祿
妻唐正絲布十匹又賂金祿本主李冽正布二匹馬牛各一匹
受部民金繼魯魚網且收納義倉穀使監考金煌每稻一斛加
收一斗或稻一斛除二斗收米一斗又使本邑木工造其兄增
家又贈其兄官中材林教誘記官車勉信道品官安緒詐以金
祿在囚自縊飾辭申報罪應杖一百徒役三年所賂物件並皆
沒官命堦發配遠處永不叙用餘皆以經赦原之○傳旨禮曹
曰自今事大文書堂上官善書者並令書寫雖非文臣亦令書
之○平安道觀察使據滿浦節制使呈啓野人副萬戶羅下來

言都督李古納哈使我問其逃奴還給與否答曰逃奴則問沿江諸鎮皆曰不來且古納哈效誠歸順非他野人之比懇請朝京處之何如 御書回諭曰古納哈若又出來更請朝京答以中朝所忌不可許也 雖咸吉道亦何異乎如此說送○日奉國九州都元帥源教直對馬州太守宗盛職平朝臣宗盛家日向太守盛久上松浦源德各遣人來獻土物○壬子司憲府大司憲梁誠之等上疏曰臣等伏覩 傳旨凡除授人五日內給牒頒祿諫院隨後考准其重祿勸士之意至矣然臣等竊惟告身署經之法所以勵士風示勸懲而防姦偽也國家吏兵兩曹除授之後三品以下俱移臺省若五品以下則必考家世痕咎有無自身所行善惡與夫前授資格授職當否其有不當者必封駁以聞隨即改正署經之法其重如此今若廢舊制是銓曹除授銓曹給牒雖有違誤已自不知就或知之又無自貶之理雖使諫院考覈牒已給矣祿已頒矣日月已久矣自非關係重大恐遂事不諫覈之不力矣何以示勸懲而勵士風乎吏曹所選

猶或可言西班之職厥數千萬除授之際考覈尤難雖當署經之時尚有姦偽况今纔得除拜旋已受祿外居軍士散而四方誰欲考覈其道無由漸至數年之後則姦偽益甚矣自今遲滯署經失時受祿則當治臣等之罪其署經之法一仍舊制以示勸懲以防姦偽 御筆批之曰何不知大義之甚○癸丑承政院奉 旨馳書于平安道巡察使李繼孫曰今見卿書內地諸邑守令侵民等事卿可獨覈不須與魚世恭共覈茲用不免又馳書于世恭曰卿之委去事已畢可速上來○甲寅日本國對馬州仁位郡宗信濃守盛家西海道肥前州土松浦神田能登守源德薩摩州日向太守藤原盛久各遣人來獻土物○乙卯兵曹啓前此兩界軍士當番則於節度使營下番則各其鎮留防今諸色軍士分四番當番軍士比前加多故節度使營坊禦軍士過多而諸鎮口子孤單請自今節度使營軍士依舊當番之數留坊其餘並於諸鎮諸口子防戍 從之○兵曹啓近日中外皆設里門盜賊散出幽險道路院館剽掠行人其漸可慮請令其

道監司訪問盜賊數殺要害之處分揀緊慢啓達留其道番上
正兵上緊二十人中緊十五人下緊十人各從旁近定送守護
其軍士守護處廳舍隨宜造作守護動慢觀察使節度使檢覈
每季朔啓聞從之○咸吉道節度使鄭文炯據會寧鎮節制
使呈啓吾音會住斡朶里古乙古來言吾於江上刈黍尼麻
車兀狄哈七八人潛伺殺射擄牛馬而去故僅從林間逃出
同類斡朶里二十餘人渡江追之不及臣聽此移文諸鎮令探
賊去留人畜殺擄之數飛報且令謹嚴防禦○丙辰上御忠
順堂聞城北有哭聲遣人尋之乃狂女二人相鬪而哭也傳
曰狂女等露宿草野誠可憐憫雖無家必有親舊其曲加救療
遂命尋問根由其一來自朔寧其一開城皆嬰狂疾未有居
處行乞於人命置惠民署救療令內醫往視日給酒食魚肉
○趙之唐行忠州牧使成順祖行光州牧使○傳旨義禁府曰
咨文安印之後內女豆大官官嚴敬之李得守等受大寶任置
不啓其推覈以啓○戶曹啓江原道諸邑軍需不敷本道閑曠

膏腴之地開墾屯田則其利無窮今堤堰提調審定開墾用旁
近諸司奴子役之且當番正兵破敵衛彭排攝六十居屯田之
傍自願留役者量除番上諸浦當領船軍量防禦緊慢役使以
墾田所出一半計耕作人力役多少論賞勸勵 從之○戊午

御忠順堂命名吏曹判書韓繼禧禮曹判書姜希孟都承旨
申泐等查考賀 聖節表咨○遣戶曹參議金永濡如大明賀

聖節兼獻白鵠白鵠表曰一人御極蔚啟昌期兩儀委和式

昭景貺鴻休滋至鰲怵悉均竊觀大猷之隆必有殊禎之現蒼

姬撫千齡之運白雉重九譯而臻茲特見享獻之誠亦足徵泰

亨之應念惟異瑞豈靳熙朝欽惟 皇帝陛下齊聖廣淵温恭

濬哲仁孚弛罟鳥獸魚鼈之咸寧德著舞干華夏蠻貊之率俾

顧茲靈鵠之產實乃協氣之鍾神於知來性復馴狎而可愛素

以蒸質色又皎潔而不凡允符壽考之祥尤表文明之象儻賜

留於禁苑庶增光於簡編伏念臣迹滯鯁岑阻訥鳧趨之到心

懸螭陞倍彈燕賀之忱○月山君媵親迎兵曹參判朴仲善之

女子永順君溥之第宗親宰樞皆以時服圍繞上於司僕墻
底作飛樓與中宮觀之命禮曹判書姜希孟賁官醢往溥第饋
宗親宰樞教以朴氏為祥原郡夫人○夜召金尚美李德良
崔李鐵堅等各率入直軍士三十餘人分往京城及四門外
搜捕盜賊○己未御忠順堂召入番軍士善射者五十餘
人觀射于後苑仍命饋酒又召吏曹判書韓繼禧禮曹判
書姜希孟兵曹參判朴仲善等設小酌命講閔惲安孝禮金
孝祖等兵書○庚申御忠順堂觀射○傳旨司憲府曰司饗
院官吏薛里等供進物膳視為餘事逐節殫醢一不供進且凡
物膳任情烹煮整不如古不敬太甚本院提調慢不檢舉京畿
觀察使都事當該守令等霜降已久至今不進薦新生蠚至於
青蠚一不供進皆為不當推劾以啟○慶尚道固城人朱治民
等上言本縣三面大海諸島縈回倭賊隱泊依憑釣魚橫行侵
損今年二月縣人丁自守等因採海物一月之內再與倭遇
輒被劒傷乞除本縣徙居命下兵曹議之兵曹落治民等謀

免徒居妄冒上言請勿聽但固城縣令一月之內部民再為賊
虜所傷而匿不以報右道水軍節度使亦不檢舉請令其道觀
察使推鞫以聞從之○辛酉 御忠順堂召吏曹判書韓繼禧

兵曹判書金國光承旨等議諸邑守令貪汚虐民代納等事擇

宗親銀川君攢玉山君躋桃平都正末生茂林都正善生金山

都正衍湖山副正鉉福城守頴朝官鄭自洋安訓許謨權仲禧

崔謹公鄭孝終為問弊使分遣諸道舉劾仍諭諸道觀察使曰

國家無事則上下皆安國家有事則上下皆勞故云好事不如

無國家所以不能無事者皆由官吏憑公營私一箇貪心耳予

嘗下教每每曉諭姦吏之弊未見小革何時待雍熙太平之治

乎今欲使民常貢常稅軍務農兵外一切無事知國家之大體

安居田畝妻子娛樂飲食而已所宜事件速懸官門動奉施行

一有常行不可闕者常行不可闕者有司守之如載在大典常

法一有一時施行者一時施行者自上令之如一時所求

貢外物一監司守令私欲亂民者私欲亂民者如私用皆以職論又

堂設酌明澮從容啓曰前日文武士大夫侍朝之臣今散為正
兵悉赴土木之役是雖無非王事而似非所以待士之道也請
自今雖屬正兵侍衛外勿許赴役 傳曰州言甚是其速令兵
曹磨勘以啓○御書諭諸道觀察使曰卿等專為恤民解憫而
常多滯獄者何歟須以十月為限速啓空獄如或不及則罪必
抵重無或冀恕○侍講院師傳賓客等請令王世子兼讀諭善書
從之○革科田置職田○丙寅 王世子獵于妙積山獲獐雉
馳獻命賜承旨等○丁卯先是凡入啓公事分付承旨宗親承
傳宦官宣傳官磨勘更啓至是多有滯事 命還摠付承旨○
吏曹據咸吉道觀察使啓本啓今依 內降諭書平安道沅移
人等家舍看守田地除草兩麥所出入官待還等事已移諸邑
該與沅移人永興府使鄭俊略不舉行且於七月朔不行向闕
拜安然在衙請令攸司推劾 命械來推鞫○兵曹啓徙民抄
定後已徙居逃亡者本身以棄毀制書律處斬妻子勿論誠為
未可請自今妻子並屬殘驛知情容接者及經宿者各杖一百

亦屬殘驛吏寓居處守令該吏勸農里正切隣並以制書有違
律論從之○戊辰刑曹啓咸從囚私奴大平怨本主李巨勿奪
田與馬常欲中傷一日巨勿與其子李山行過大平家大平望
見與其婿奴德只各操白棒騎馬追逐杖巨勿肩背巨勿走入
泥中投匿朴存家大平尋到存家使德只把守其門搜之未得
巨勿脫走告官其謀害情迹甚於謀殺不可槩以赦前而不治
請依律處斬從之御忠順堂命名兵曹判書金國光吏曹判書
韓繼禧戶曹判書盧思慎等講藝文儒臣經書金宗蓮講論語
語及朱子大極之說宗蓮曰朱子之言多有誤處臣欲順旨而
啓畏天下公論未敢為非耳上曰既云誤處何畏公論且公
論謂何宗蓮對曰凡儒者皆有公論臣自少所學一朝毀之恐
儒者譏笑臣也上又問儒者皆有公論則朝廷大臣皆儒者
也爾所畏誰也今國無權臣爾所畏者何人也宗蓮對曰如鄭
自英也命都承旨申漸及復詰問宗蓮素恟多妄對上以
宗蓮非實非之必有所以言之者杖訊其情遂下義禁府命

承旨魚世恭歷膝問之○九月己巳朔京畿問弊使玉山君濟
來復命摘發所犯被覈者凡三人江華府使禹繼蕃果川縣監
任彭孫蔚縣監尹繼智○庚午 傳旨義禁府曰近日特召金
宗蓮謂曰聞汝熟於經史喜其得人數召論經汝每每好勝議
論不通屢輒以他語參混之前言失序後意未盡恥言不知不
反求己此甚汝病也學問之道不如學也汝宜改非從實閉論
大極理耶氣耶理氣耶對曰先儒云大極已屬乎氣朱子云理
也臣心以謂朱說為非而不敢非也問直告心耳朱非汝君父
何故不敢非先儒與朱子者多雖朱子豈無誤處對曰臣亦多
見誤處而畏人不敢啟耳問所畏之人誰對曰畏公論問公論
者誰對曰儒者上項辭緣初因論經而終現不忠初因對君而
終見附臣初求致治而終致敗常初以禮接而終以威刑初以
勸士而終以駭衆如是等利害利亦大矣害亦多矣予思之累
日不敢違天必傳屍四方警衆策賢改正風俗以圖永年宗蓮
者罪不容於天地命不延於頃刻而無職任無官守擅自誹謗之

徒敗常亂俗之風猶有未珍焉速鞫以啓○賻臨瀛大君璆夫人母豆米并三十石紙一百卷油芫四部○平婁道節度使金謙光據滿浦節制使呈啓野人李古納哈李豆里等來言曾蒙節制使之招即欲來謁適有言火刺温聚兵而來故至今乃來爾即還給小吾稱曰避苦就樂人之常情更勿侵虐務加撫恤古納哈以大箭舉于額上告天曰小吾稱雖本是家僮背我而逃令公體 殿下之意而還給此是 殿下之賜何敢忍下一杖若渝此盟有如此箭豆里又曰每告節度使乞上京肅拜至今無回答是必節制使不報也秋收後當來雖留一二月必待回答回諭曰今見卿啓本豆里等若更請上來今鄭山彙以卿言答曰中國禁與建州人交通諭令自今勿許上京汝等誠款雖懇未敢啓達耳若曰欲由咸吉道上京答曰彼何異此然各南邊將非吾所知如是答送○辛未戶曹啓廣興本倉合於江倉司贍寺移於梨峴軍資監以兩處為大倉其旁近居人以自家欲換公處空閑家及空地者聽增造倉庫堂上官祿俸並於

江倉頌給從之○傳旨禮曹起復前義州牧使禹貢○壬申咸
吉道節度使鄭文炯馳啓臣到鍾城柳於麟可來見臣語之曰汝
輩方歸順波加大等稱舊釁殺我邊民汝等宜拿致此賊以明
歸順之誠何至今不拿來乎彼人族親自來為賊故國家只殺
賊耳彼人讎我何耶荅云我等若向大國有異心安能如此好
居我等情偽須節度使明辨之但彼無知輩所作未及知之賊
魁犯罪悔惧未即出來故各送父母與子未幾畢來順服我等
之拿致不難矣然其後吾輩不能升天入地彼同類人必殺我
等無遺類矣○癸酉刑曹啓京畿觀察使尹慈不問民情願只
據僧海修狀告使代納生芻泛然啓聞請 上裁 命勿論○兵
曹據平安道巡察使李繼孫魚世恭啓本啓本道邊邑守令閔
孝幹等六人以軍民逃移禁身他邑防戍踈虞儻有不虞之變
誠為可慮請罷孝幹等新除守令給驛下送以備守禦從之○
刑曹據京畿忠清全羅道察理使安迢啓本啓全羅道水軍節
度使趙誠山到靈光狄鞭站以監考周錫生金得廉姜訓兵房

記官宋得敬等受贈放送船軍不覈真偽以皮牌柄濫擊三十
餘度仍囚務安官又不移文觀察使擅定縣監李貴男為差使
真二次刑問不服則以為遲緩推考更論行移李貴男又以訊
杖亂擊足掌各四十餘度抑勒取招貴男以為節度使行移事
也不顧是非濫加刑問又不報觀察使俱為不當請囚趙誠山
劾之并囚貴男從之○甲戌傳旨司憲府曰尚衣院官吏
進上箭羽不先布置以為過限未納擅報戶曹督之使民騷擾
戶曹官吏又不啓達只據尚衣院報狀督促其推鞠以啓○江
原道觀察使啓道內月松浦萬戶金麟瑞贈妓布二匹麟瑞雖
在逃犯贓事覺牒招而逃請依大典科罪本浦船軍朴銀同以
麟瑞管內軍人非干自己冤抑而謀害麟瑞誣告強奸良女未
今請并治罪命下刑曹○日本國對馬州太守宗成職守護
代官宗盛直各遣人來獻土物○乙亥命召上黨君韓明澮
與都承旨申漸議置江原道平康屯田事時州郡皆置屯田而
又於閑曠之地別置屯田以資軍需○日本國對馬州太守宗

成職守護代官宗盛直筑前州太宰府都督司馬少卿藤原朝
臣教頼肥前州上松浦呼子一岐守源義各遣人來獻土物○
丙子刊經刻字哲同告曰司贍寺令史安孝孫等十餘人共謀
偽造戶曹郎廳印信及諸司印信多盜諸邑貢物 命閉都城
門搜捕先是有趙進者與軍資監令史張致謀偽刻印信盜用
米布進自首 命遣人捕致及其徒數十人皆囚之賞進襦衣
一領笠一頂趙授三資仍命雖素為強盜者自首而告其黨
則免罪給其黨人家財以賞之由是自首者多○別侍衛張福
昌等數十人賂刑曹令史陳球偽造捕盜文案或受職或受賞
或免賤事覺逮捕福昌球及其黨數十人 命司憲府鞫之○
丁丑 御序賢亭設宴王世子與孝寧大君補密城君琛河東
君鄭慶趾蓬原君鄭昌孫高靈君申叔舟上黨君韓明澮左議
政黃守身中樞府領事沈澮判事沈泐金守温知事尹士盼左
贊成崔恒都摠管衛尉郎官兵曹堂上等入侍講武科登浚試
赴舉宗宰九人書○設耆老宴于普濟院 命承旨洪道常賈

宣醞往赴○以朴元亨為慶尚右道軍容體察使尹子雲為左道體察使○謝恩使鄭自源來復命其間見事目云序班陳智等云去五月有 聖旨勅禮部云朝鮮禮義之邦其待使臣之禮優於他國又言前年九月湖廣人劉通力能舉千斤自號千斤稱為漢劉氏之後聚兵五萬餘人稱帝於水連洞殺掠州郡今年二月朝廷遣摠兵官撫寧伯率禁兵一萬及湖廣等處土兵六萬往討拿通及偽摠兵偽指揮等七十餘人付于鴻臚寺皆面縛帝命錦衣衛大理司都察院於午門外雜治之後五日輟通于西門外童男皆官刑○戊寅 御勤政殿設養老宴王世子與孝寧大君補河東君鄭麟趾蓬原君鄭昌孫高靈君申叔舟上黨君韓明澮領議政具致寬左議政黃守身中樞府判事沈決金守溫知事尹士昫同知事李邊黃致身左贊成崔恒吏曹判曹韓繼禧大司憲梁誠之驪川君李蒙哥工曹判書丘從直檢判書趙貫中樞府同知事鄭自英檢漢城府尹楊脩等階上三品以下老人分坐東西庭赴宴貫年最高 命進酒樂

用定大業保大平之舞 召麟趾謂曰耆老之飲卿其勸之

命赴宴老人各加一資仍賜御卓侍衛軍士亦賜酒○己卯

傳于刑曹曰女妓楚腰輕陽臺紫洞仙玉膚香等免賤○以李

繼孫為禮曹參判鄭蘭宗刑曹參判○戶曹據福泉寺僧省愚

狀告啓本寺田二百結內諸司上納稅米豆所出田還屬軍資

其餘田本寺收稅事請依狀告磨勘計除其以內行水陸社例

稅米豆專收事則本寺非國行水陸社也請勿聽 傳曰并稅

米豆屬其寺○兵曹啓咸吉道五鎮防禦最緊而無留養戰馬

請於五鎮募納綿布姑以二千五百匹從時直買胡馬依天順

八年受教朝士軍士自願受馬者或一匹或二匹給付過三年

換受願仍受者聽之若故失者准本色徵之其分給外馬匹分

養諸邑綿布之價以下三道米穀從願准給 從之○庚辰

御康寧殿講武舉登俊試赴舉宗宰等二十餘人書○吏曹啓

諸邑守令以私庫錢糧視為己物考滿臨遞贈與親故費用蕩

盡後等守令不得已或那移國庫橫斂民間其弊不貲請自今

私庫錢穀鋪陳器血并錄解由水為恒式從之○辛巳大雨雷
電○中宮御思政殿設婦女養老宴○傳子義禁府刑曹曰近
日囚人須刻期畢核辭連人內或因讎嫌或因疑心或被虛事
曖昧被囚者容或有之急速詳理放遣時被囚者多 上慮無罪
而或有滯獄故有是命○壬午 御康寧殿王世子與孝寧大
君補高靈君申叔舟上黨君韓明澮左議政黃守身南陽君洪
達孫吏曹判書韓繼禧兵曹判書金國光戶曹判書盧思慎及
承旨等入侍命叔舟明澮國光及具致寬往慕華館試登俊
武舉人留補等從容語及治道因製曰為君之道治世之道興
邦之道亡國之道不假多言而可知也已人孰不是而是非勉
於困而怠於逸於是一切諸荒從而乘之所謂色荒禽荒聲荒
驕荒慢荒安逸荒好大荒如是諸荒隨事輒起是非之心已失
去處然而諸臣拱之而外自嚴一婦撓之而內自蠱諸臣拱之
故無特忠一婦撓之故有深愛無持忠則主失賢親有深愛則
政常同異內外不和刑賞紊亂恒由乎此不可不預知要曰親

君子遠小人體羣臣子庶民乃示左右僉曰 殿下是言萬世
龜鑑也叔舟等復命令讀之不能解 上笑○癸未 御康寧
殿王世子與孝寧大君補永川知定寶城卿容栗元都正徐河
東君鄭麟趾蓬原君鄭昌孫左議政黃守身左贊成崔恒吏曹
判書韓繼禧戶曹判書盧思慎中樞府判事金守溫同知事魚
孝瞻徐居正任元濬工曹判書丘從直大司成金禮蒙承旨等
入侍講儒生經書兼藝文軍資主簿趙淑講詩不辨音訓 上
笑從直李壽男啓曰趙淑稍習弓矢 上曰將帥須用文臣子
欲得其少者養之卿等各舉所知從直壽男又薦侍講院說書
洪貴達 命為宣傳官又命書年少文臣之可用者三十餘人
以啓 命以藝文待教李瓊全刑曹佐郎河淑山為宣傳官○
以李約東為龜城節制使○乙酉禹貢上書曰繼母身死情
同所生未終喪制釋衰承任於心未安乞終制 不允○慶尚
道蔚山人金有成上言今令臣徒居黃海道臣父年七十一母
七十皆有宿疾臣獨子又無兒息願乞終養 命下兵曹議

之兵曹啓有成以獨子遠離老親徙居遐方誠為可矜請勿令
徙居 傳曰自今親年七十以上者勿徙居○慶尚道星州人
補充軍慶衆上言臣祖檢校政丞慶補娶自己婢為妾生父大
衆而卒其後甲午年國家詳理各品賤妻子孫皆屬補充軍臣
父亦於所居星州補充案錄名役於兵曹未得去官而死臣又
繼役今者仕滿應去官而兵曹以臣父本無決屬立案防之雖
無決屬立案父子繼役已四十餘年未得去官不勝冤憫 命
下兵曹議之兵曹啓慶衆雖應去官無決屬立案有違於例
傳曰自今據補充軍案去官○丙戌以康袞為信川君○刑曹
啓經國大典凡告捕竊盜一人賞綿布十匹每一人加二匹至
五十匹而止強盜則雖捕一人無職者皆賞職元有職者皆加
資叙用不堪從仕者給綿布五十匹獷悍成黨為積年患者超
三資賞職不堪從仕者給綿布一百匹賤口免賤私賤以都官
司贍寺奴婢充給自願受到者竊盜每一人給五十強盜每一
人一百五十立法如此而愚民不知法意無告姦摘伏者今趙

進雖與張致等為刻印信盜用錢糧而乃能首告故特赦前罪
免賤賞職全給犯人財產請自今捕告者及同黨中有能首告
者依大典施行犯人財產雖過百匹數至千萬並皆全給布諭
中外以廣捕告之路 從之○戶曹啓本曹照諸邑貢物牒文
付諸司督納而以為無收納定日不即收納因此外吏淹留其
弊不貲請自今牒文照訖付後十日內畢收即日給文如不奉
行以致稽留者其司官吏及月令監察并劾 從之○丁亥
命魚世恭往義禁府歷膝金宗蓮鞫問所謂儒者何人也宗蓮
亦不以實對○吏曹啓刑曹錄事李淳甫偽告捕強盜令刑曹
移關本曹冒受啓功郎請收告身其一關所付邊處寬尹思沈
金致利請並令攸司推鞫科罪 從之○戊子 命下宦官張
孝之鄭輯于義禁府○辛卯 命王世子往慕華館取武舉登
俊試入格者吳子慶等五十一人以啓 命通計館試分數以
畫之多少為次第更以崔適為首○壬辰慶尚左道體察使尹
子雲辭○癸巳 御慶會樓下令崔適等射侯適多中遂 命

為北元宗親龜城君浚等五人亦與焉摠五十一人即命勿
論貧窮並進階拜折衝者十餘人王世子與密城君琛達原君
鄭昌孫高靈君申叔舟上黨君韓明澮領議政具致寬左議政
黃守身中樞府判事沈決兵曹判書金國光等入侍命世子
射候諸宗宰亦各以次射候中多者賞弓矢馬裝○甲午上
將講武于京畿以康純為左廂大將鄭軾右廂大將先結陣以
待又命寶城君容擇率驍強者二十五人名曰海青衛崔適
率榜下名曰登俊衛並扈從○乙未又諭康純鄭軾放遣京
中坊里雜色軍其餘軍仍陣二十八日於慕華館前移陣待令
○丙申上不豫有日夜五鼓召韓繼禧任元濬金尚珍八
內侍藥遲明將移御忠順堂至後苑門外上憑龜城君浚
肩至忠順堂疾尤劇尚珍等進藥上趣召都承旨申漸若
有所言而竟無命蓋疾篤擬欲屬以後事也繼禧等奉
設孔雀祈禱齋于內佛堂以金守溫姜希孟為行香使時中
宮命繼禧等秘不發繼禧謂盧思慎曰我輩獨稟而不使首相

知之脫有不諱其如大事何遂微示焉於是高靈君申叔舟上
黨君韓明滄領議政具致寬左議政黃守身左贊成崔恒等會
于賓廳承 內旨分遣諸臣禱于宗廟社稷境內名山大川佛
宇日暮漸入內奉 旨放強盜外罪○丁酉上體稍平視事
使兒宗及韓繼禧盧思慎內醫全循義金尚珍等入內為大獵
圖戲觀之思慎勝 賜馬一匹○命金宗蓮及子孫永屬內需
所奴宗蓮雖識經史性本怯直固執已見自是非人 上嘗問
佛說宗蓮論對頗忤 旨因繫禁獄杖訊壓膝推問其情者累
日至是乃定罪又 命內女古亂恭永屬珍島官婢舍元殿佛
事時古亂恭擅開內門以 御器御膳給其弟命下獄殺之
將刑會日暮又值齋戒而止至是蒙赦○戊戌宗親及議政來
六曹忠勲府中樞府堂上問 安命召孝寧大君補臨瀛大君
璆水膺大君琰密城君琛鎮南君終生儀賓沈安義河東君鄭
麟趾逢原君鄭昌孫高靈君申叔舟上黨君韓明滄領議政具
致寬左議政黃守身中樞府領事沈滄判事沈決金守溫左

贊成崔恒右贊成曹錫文中樞府知事尹士盼康純兵曹判書
金國光吏曹判書韓繼禧禮曹判書姜希孟西原君韓繼美大
司憲梁誠之中樞府同知事任元濬宋處寬工曹判書丘從直
大司成金禮蒙漢城府尹李墅吏曹判書慎承善兵曹總判朴
仲善諸將等入內饋酒仍分左右射小的勝者賜鹿皮各一
張仍設御帳于近側命叔舟明澮致寬守身守溫繼禧希
孟從直元濬處寬禮蒙金尚珍等留宿帳中蓋欲不時夜話也

世祖惠莊大王實錄卷第三十九

世宗憲皇帝大正實錄卷第三十五

臣等謹將本月二十三日奉
 上諭旨事開列於左
 諭旨 命內閣抄寫
 欽此

世祖惠莊大王實錄卷第四十

冬十月己亥朔宗親及議政府六曹忠勳府中樞府堂上來問
安 名二品以上宗宰饋酒逢原君鄭昌孫等以射不勝進酒
殺 命鄭麟趾昌孫申叔舟韓明澮具致寬黃守身進酒 命
承旨等啓事令世子與麟趾昌孫叔舟明澮致寬守身等參決
庶務○兵曹據黃海道觀察使啓本啓本道七月初五日始大
風凡三日早晚穀皆傷又遂安新溪谷山等邑去六月二十六
日雨雹或如手掌或如雞卵百穀根莖亦皆損傷若繁棘城量
田號牌徙民等事一時並去則非唯不能備救荒之物亦必未
得收穫請一應京役人放遣專事救荒 從之○庚子 命高
靈君申叔舟上黨君韓明會領議政具致寬中樞府知事康純
鄭軾兵曹判書金國光等習陣于慕華館○是日 命申叔舟
崔恒姜希孟梁誠之丘從直任元濬成任徐居正李坡李芮金
石梯鄭沉等各率郎廳一人揀選諸書類聚曰易曰天文曰地
理曰醫曰卜筮曰詩文曰書法曰律呂曰農桑曰畜牧曰譯語

曰筭法○祈祭于社稷宗廟昭格署○命登俊衛海青衛武士
等射小的于後苑行護軍權期中多賜角弓一張○上召韓
繼禧任元濬金尚珍曰愛予意食玄胡索則病愈服之果胃腹
之證少減此何藥耶繼禧對曰玄胡索者治胃腹痛之藥也乃進
加玄胡索七氣湯果平愈○辛丑傳曰子疾已瘳其令諸道
勿遣人問安○命登俊衛海青衛射的于後苑○壬寅命登
俊衛海青衛等射的于後苑○癸卯河東君鄭麟趾蓬原君鄭
昌孫上黨君韓明澮領議政具致寬左議政黃守身等問安○
命六承旨啓事令世子聽決○自上之不豫韓繼禧盧思慎姜
希孟任元濬金尚珍每日人宿侍疾命繼禧等子弟加資叙
用又命粹嬪尹昭訓族親及鄭麟趾鄭昌孫申叔舟韓明澮
子弟加資○日本國對馬州太守宗成職仁郡宗信濃守平朝
臣盛家關慶鎮守秦盛幸西海路筑前州宗像郡氏卿肥前州
寓鎮彈正少弼弘肥前州松浦一岐州太守志佐源義等各遣
人來獻土物○甲辰鄭麟趾鄭昌孫申叔舟韓明澮具致寬黃

于身等問安○命出內帑犀帶三合韓繼禧盧思慎姜希孟任元
濬作大獵圖戲賭之俄而 命皆加階帶犀 上曰任元濬雖未為
崇政其品不遠亦當帶犀四人中元濬最精通醫方繼禧次之○
以金磧為崇政大夫議政府右叅贊韓繼禧崇政大夫行吏曹
判書盧思慎崇政大夫行戶曹判書金國光崇政大夫行兵曹
判書韓繼美崇政大夫西原君洪元用崇政大夫江寧君崔濡
崇政大夫開城君鄭守忠崇政大夫河原君咸禹治資憲大夫
東原君康袞資憲大夫信川君姜希孟崇政大夫行禮曹判書
李繼孫嘉靖大夫禮曹叅判任元濬正憲大夫行中樞府同知
事韓致義通政大夫行安東大都護府使是日陞崇政者十人
拜堂上者六人○命還收中樞府僉知事李秉正訓鍊院判官
李永禧侍講院司經權季禧海美縣監李季禧司憲府監察金
克悅豐儲倉奉事鄭謙繕工直長金克鍊振威縣令梁瑗等百
餘人資皆濫以捕盜功受賞職也若律以邦憲則當終身不
叙以勵士風而只收其資者以永禧韓繼禧之女壻季禧權愷

之子克忭國光之子瑗誡之之子皆當途勢家子弟也季禧以
儒家子弟稍解詩書而廉恥之喪至於如此其餘無識之輩何
足算也○乙巳鄭麟趾鄭昌孫申叔舟具致寬黃守身沈安義
沈泮來問安崔濡韓繼美洪元用鄭軾咸禹治康衮鄭文炯來
謝恩 命饋酒飯 賜致寬免鶻一連○丙午遣禮曹參議趙
瑾如大明賀正并獻海青○丁未咸吉道節度使康孝文奉書
于承政院以啓曰會寧下多家舍住元良哈阿下來告曰東郎
住多郎介等欲寇中國聚兵百餘已就途吾亦聚二百餘兵將
入歸又廬包住朱將哈采告曰阿下等又聚兵八十餘將入寇
中國中東良住于老哈來告曰多郎哈等以前者入朝中國時
蒲州人等以撲頭箭射之使不得往欲報其讎聚兵三十餘
往蒲州阿下等之言雖不足信然賊謀難測臣令諸鎮勒兵待
變并移文平安道 上示申叔舟韓明澮及議政府都摠管議
之沈澮等以為依節度使所啓益謹邊備叔舟明澮及康純
等以為多郎哈等擄去人畜今令刷還而答以無禮之言其

與蒲州人結黨為寇未可知也宜諭本道及平安道令防禦諸
事倍前布置從叔舟等議○戊申河東君鄭麟趾蓬原君鄭昌
孫上黨君韓明澮左議政黃守身南陽君洪達孫寶城卿容中樞
府領事沈澮判事沈決金守溫知事李邊成奉祖黃致身金旣
康純尹士昉尹士昕儀賓沈安義左贊成崔恒右贊成曹錫文
密城君琛開城君崔濡工曹判書丘從直中樞府同知事鄭自
英等問安 命皆入內令龜城君浚及閔發崔適射的會兩乃
罷 命與麟趾昌孫申叔舟明澮守身澮決士昕守溫盧思慎
姜希孟任元濬領議政具致寬吏曹判書韓繼禧就 御前從
容談話 賜鹿皮各一張○持平崔敬止等上疏曰臣等竊惟
官爵國家所以尊有德而勸有功也國家慮盜賊未弭田野不
闢有能捕盜墾田者量功受職期於有成其所以勸之者至矣
近者姦詐之徒不畏邦憲厚賄刑曹執吏陳球偷改文簿寄名
之列顛倒是非濫受爵賞賤者良貧者富至於衣冠子弟亦且
乞哀趨階越級坐登高秩欺世盜名莫此為甚而用術深秘莫

得摘發今幸事覺一皆改正朝政幸甚臣等伏思墾田賞職一事又有慮焉夫墾田難事雖以上農十夫之家墾治十餘結者尚寡今朝士受職者或十結二十結以至三十結之多者有之臣等恐有如捕賊之濫就令實墾彼新徙之奴不多之力安能一一耕治乎如終不治何益於實伏望依捕賊例從前受職者並皆改正委遣臺官墾田真偽結負多少熟治與否輸租有無及久近田籍備覈啓聞從而賞罰以杜冒濫之門 上不允曰既與大臣定議立法若從汝等之言則大體安在待大臣道何如○已酉河東君鄭麟趾逢原君鄭昌孫高靈君申叔舟領議政具致寬右議政黃守身問安○戶曹啓錢穀國家重事諸司官吏或恃功驕縱而不勤其任或不解書筭而懵於向方所掌之事一委胥吏因此出納之際吏緣為姦其弊不貲請自今凡有錢穀諸司官吏每月本曹抽籤講問錢穀之數出納之狀通不通置簿褒貶時考之如有暗劣尤甚者隨即罷黜 從之○召闕內諸司文臣講韓愈原道篇○河東君鄭麟趾逢原君鄭

昌孫上黨君韓明澮高靈君申叔舟領議政具致寬左議政黃
守身左叅成崔恒右贊成曹錫文問 安命入內饋食仍命麟
趾昌孫叔舟致寬往承政院議平安道沿邊守令致民流移罪
狀麟趾等以流移人多少科罪以啓 傳曰卿等之議是○辛
亥仁山君洪允成來肅拜 命與韓繼禧等入宿于內夜月明
上召繼禧等設酌○蓬原君鄭昌孫高靈君申叔舟領議政
具致寬左議政黃守身問 安○執義權孟禧等又上疏曰臣
等將墾田賞職改正事仰瀆 天聰下教曰此事本監司覈啓
既經大臣之手不可更遣人審覈之其所以敬大臣之禮至矣
然臣等反復思之大臣之事固不可不信亦有不可盡信者姑
以近日之事言之捕盜者刑曹受其告狀覈其真偽堂上郎廳完
議啓達移牒銓曹銓曹堂上更議申聞以之除授前後幾經十大
臣之手樞機周密節目詳備似不可不信尚有遺姦虛偽萬端如
是經大臣之手者豈可盡信耶其間受職者多出大臣之門則又
豈可謂大臣之事而必可盡信乎若墾田之數當初一守令轉

報監司監司從而轉聞事遂施行方之捕盜節目又略茲所易
托不可謂監司所審而盡信况初不親審者乎如其實墾結負非
不多也歲月非不久也未聞租稅以此而增者臣等不能無感
且受賞職者類皆顯秩士夫而無一士著老農齒於其間臣等之
感滋甚守令初因請托以誣監司監司亦信守令以之申聞轉
成虛偽豈可例以大臣所啓不改之乎不可不正者一也今之為士者
將聚而謀曰某也達士某也某之子也猶且付托郡縣之吏經營
階越級罔有後災况其下者乎於是爭相用術媒進成風欺世
盜名不可不正者一也爵賞重器雖一資半級不可虛授今托
名墾田至有超二三資馴至大夫者豈可一日而寬貸乎不可
不正者一也夫政有大有小事有輕有重小且輕者猶或因循
重且大者不可不正此誠重且大而不可因循不正者也乞依
臣等前疏從前受職者一皆改正委遣臺官其墾田多少熟治
與否輸租有無及久近田籍備覈啓聞從而賞罰以杜冒濫之門
朝政幸甚士風幸甚 上曰汝等之言其是臺中何者可使驗

其虛實乎憲府啓當遣掌令孫舜孝考覈○遣中樞府僉知朴
璘如大明獻種馬五十匹○壬子蓬原君鄭昌孫高靈君申叔
舟上黨君韓明澮左贊成崔恒右贊成曹錫文問 安○召司
憲府官吏傳曰汝等言雖經十大臣之手未為盡信安有國家之
事不信大臣而盡付諸臺諫哉顧謂叔舟曰國有臺諫社稷之
福也仍 命饋酒執義權孟禧等無辭醉酒乃退○癸丑蓬原
君鄭昌孫高靈君申叔舟上黨君韓明澮領議政具致寬南陽
君洪達孫左贊成崔恒右贊成曹錫文問 安命皆入內設酌
○承政院奉旨馳書于平安道節度使金謙光曰今見 聖節
使聞見事目野人等圍閉原達子又逼廣寧事勢不靖為我計
不過謹固邊圉休養士馬以待事機耳然不習士卒不審地理
無以申威無以應急今聞數道過江觀兵甚合事宜相繼出入
以慣我威彼可也但不可自疲卿須斟酌體勢今正朝使方渡
江可因觀兵遣兵護送至通遠堡又曰時未冰合事閑卿可來見
而去○平安道節度使金謙光據滿浦鎮節制使鄭山彙呈啓

野人李古納哈等來告曰節制使體 殿下憐憫之意還給逃

奴婢報恩無地心欲朝見謝恩以中朝所忌沮之欲由咸吉道

而往山彙答曰彼此何異然各有邊將非予所知也古納哈又

言李權赤到吾家曰羅下軍有欲誅冬冰合復寇義州三島山

彙答曰前日再犯我邊邊將刻期舉師適中國止之且 聖上

憐憫汝輩不許出師邊將至今切齒彼若復來是自速禍也古

納哈扣頭曰我等雖不能禁彼之惡若知彼竊殺則馳報大國

○甲寅逢原君鄭昌孫高靈君申叔舟上黨君韓明澮領議政

具致寬左議政黃守身左贊成崔恒右贊成曹錫文問 安○

圓覺寺有舍利分身五彩瑞氣之異百官奉箋陳賀○禮曹啓

忠清道林川鴻山扶餘等處惡病興行居民致死其漸可慮請

遣醫救療 從之○乙卯申叔舟韓明澮鄭昌孫具致寬崔恒曹

錫文問 安 召叔舟明澮致寬黃守身康紘等入內議咸吉

道高嶺事變○咸吉道節度使康孝文啓慶源府安源堡人南德

中等狀告內自設堡以來二十七八餘年未嘗疊入安心居生

庚辰北征後疊入府城堡距府四十餘里往來為難且空堡時積穀及家舍材木盡為行人所偷無永世之計又撫夷堡人方由度等狀告置堡以後冬夏仍居自疊入以來未得安業居生緣此逃散者頗多臣觀堡距本府不遠易以救援汝吾里住安真等無異編氓儻有聲息皆為軍卒又親信骨看布居江邊易與為援請修舊堡使仍居防禦 從之○日本國肥前州松浦志佐一岐州太守源義對州馬關處鎮守秦盛幸各遣人來獻土物○丙辰高靈君申叔舟蓬原君鄭昌孫上黨君韓明澮領議政具致寬左贊成崔恒右贊成曹錫文問 安○命戶曹判書盧思慎禮曹判書姜希孟往米庫糾檢截冰○丁巳鄭昌孫申叔舟韓明澮具致寬崔恒曹錫文問 安○賜宴于韓明澮復遣戶曹判書盧思慎賫宣醢 賜之○以韓明澮為領議政沈澮左議政黃守身右議政具致寬綾城君朴元亨延城君任元濟工曹判書芮承錫吏曹參議鄭文炯辨定院判決事金禮蒙成均大司成金瑋京畿觀察使致寬議論正直容貌嚴毅人

人敬畏又能廉謹苞苴不受明澮澮守身皆非文臣帶藝文春
秋館職○戊午領議政韓明澮左議政沈澮右議政黃守身綾
城君具致寬工曹判書任元濟吏曹叅議芮承錫判決事鄭文
炯大司成金禮蒙等謝恩引見饋酒○賜尹昭訓母米十碩○
己未召韓明澮沈澮黃守身具致寬申叔舟于內議平安道
防禦諸事以達子圖廣寧故也○平安道巡察使李繼孫來復
命○日本國西海路筑前州宗像郡持守宗像朝臣氏卿九
州都元帥源教直各遣人來獻土物○觀象監提調啓七政曆
中朝每年印之本國則進上一件外不印出星經相考時憑考
無據請自今令典校署印二件一件進上一件截于本監從
之○庚申命金尚珍外韓繼禧等出就其家更日直宿○辛酉
江寧君洪元用卒停朝市二日謚章簡溫克令儀章平易不懈
簡元用汝方之子累歷司憲持平白曹叅議出為黃海道觀察使
後以功臣嫡長封江寧君陞崇政以病卒元用無文武才唯
事荒淫昵愛妓妾人以此譏之子三道常性綱循性○壬戌召

吏曹判書韓繼禧參判慎承善參議芮承錫兵曹判書金國光
參判朴仲善參議朴徐昌等于內議除授以安貧世為同副承
旨崔漢卿江原道觀察使貧世貞懿公主之子於諸子中稍知
書至是公主疾劇詔七級拜之又 召申叔舟崔恒徐居正姜
希孟任元濬成任梁誠之李芮李坡金石梯令書諸書類聚以
進仍設酌又 召入直諸將軍士于後苑以韓繼義李好誠為
大將 命權擊魚得海春陽正徠堤川正蓋習形名觀其進退
坐作之勢擊得海失律命叔舟詰問陣法當如是乎得海自以
為是強聒不已 命罰之以酒亦賜軍士酒○癸亥 御筆韓
堂視事○司憲府據江原道問弊使金山正衍啓本啓狼川縣
監梁琬供招曾下 傳旨蠲減諸邑未收貢物而前縣監曹効
彬抄未收神稅布二百二匹錄簿吾亦因之督納民間琬乃大
司憲誠之之子也請移他司 命送刑曹○戶曹啓曾據開巖
寺僧玄旭狀告行移推考京畿下洋站屬沃川郡所納董字船
一隻玄旭私自代納水站判官李孟智不考本邑申牒收納交

代判官田種生以為不實還授玄旭改納上院寺僧尚惠之船
然尚惠亦無申牒凡貢物各其道觀察使訪民間情願啓聞後
方許代納今孟智種生等知其私納而擅便收納郡守金暎壁
亦收價給之俱為不當請皆罷黜其尚惠船及價並沒官命
罷孟智種生暎壁職仍屬尚惠船于本站給其價○甲子有人
哭于宮城之北聲徹御所乃軍器監選上奴也問其所以對曰
飢寒切身不能立役所以哭也命賜衣糧而遣之○命義禁
府鞫內需所奴金宗蓮別坐丁善琦以宗蓮定役之後不即供
役善琦亦不糾檢也○乙丑平安道節度使金謙光來肅拜
上召高靈君申叔舟綾城君具致寬領議政韓明澮左議政沈
澮右議政黃守身左贊誠崔恒右贊成曹錫文寶城卿容西原
君韓繼美吏曹判書韓繼禧戶曹判書盧思慎工曹判書任元
濟都摠管李好城判決事鄭文炯及承旨與謙光議平安道防
禦諸事仍設酌○丙寅 召崔恒盧思慎金國光金謙光申泐
魚世恭于內議平安道防禦諸事 上親問便否仍饋酒飯○

命世子及兒宗等射猪于後苑○丁卯 召申叔舟具致寬韓

明澮沈澮曹錫文崔恒寶城鄉容康純金國光韓繼禧任元濬

盧思慎鄭文炯及金謙光議平安道防禦諸事又 召禹貢金

繼貞等命射墻底栢樹遠可八十步繼貞發無不中 上稱贊

不已命皆進酒因問平安道屯兵防禦之策貢對甚稱旨 上

顧謂宰相曰此真將帥也若不早用之則老將至矣即 命注

凝叔舟思慎等於 上前象戲叔舟不勝 上笑謂叔舟曰思

慎象戲常劣於卿今何若是卿明日請宰相設宴于第因 賜

酒樂 賜思慎弓及錦囊○以禹貢行義州牧使前牧使宣炯

素與金謙光不相能至是謙光啓炯年老不堪任職故以貢代

之謙光思謙必報故人皆畏之○戊辰高靈君申叔舟設宴諸

宰樞往赴都摠管康純以入直不赴 上特命往赴以都承旨

申泐權任都摠管事○十一月己巳朔平安道節度使金謙光

辭還○遣中樞府僉知事崔景禮如大明獻海青文魚○庚午

召河東君鄭麟趾蓬原君鄭昌孫高靈君申叔舟中樞府判事

金守溫知事尹士所康純同知事魚孝瞻丘從直徐居正鄭自
英文城君柳洙大司憲梁誠之行上護軍宋處寬戶曹參判成
任箕城君柳子煥行大司成金禮蒙工曹參判李丙漢城府右
尹李坡刑曹參判鄭蘭宗講生貞俞陟等六人經書又 召蒸
司僕諸將分左右射侯登俊衛潘熙多中嬰內廐馬一匹○以
問弊使所啓 命承政院馳書于慶尚道觀察使令囚罷官縣
監宋守殷熊川縣監宣孝光陝川郡守權得經前永川郡守申
命之記官李簇貴孫英實義興縣監李基聃真實縣監李質前
玄風縣監孫閏生昌原府使李壽生奉化記官鄭郁前東萊縣
令金漢珍山陰品官崔維金仲善吳尚閻宋克溫金孝順林梓
南海記官金銀奎球鄭伊全羅道觀察使囚前綾城縣監辛尚
諤昌平戶長文湜礪山郡守趙崇智高敞縣監蔡申命忠清道
觀察使囚木川監考尚孝禮江原道觀察使囚金城縣監李仁
順平海郡守朴續祖歛谷縣令金淨黃海道觀察使囚前遂安
郡守鄭崇義待 命又馳書京畿觀察使曰有告溫泉所生者

超五資授職自願受賞者給縣布二百匹免賤者亦聽其廣諭
諸邑○大司憲梁誠之上疏曰竊惟天生蒸民立之司牧衣食
斯民使不至於飢寒設兵刑以禁其為非明禮義以勸其為善
帝王之職不過如斯而已孔子曰足食足兵民信之矣又曰既
庶既富又教之既富則足食矣既庶則足兵矣教之信之則
厚風俗定名分之謂也臣以三者反覆陳之一民惟邦本食為
民天臣觀農民火耕水耔勤苦莫甚而土地肥瘠之不同天時
水旱之不齊終歲動動所得無幾國家租稅尚不能充而富商
大賈托為防納取之萬端其將何以仰事俯育哉近日間弊之
使犯法之吏居其大半其為害可知也其代納之物最為民害
者曰紙芎曰油蜜曰白楮曰正鐵曰竹木曰貢布曰貢炭曰燒
木吐木不等方木曰豹皮曰船隻以至青草生於處處而民不
肯自納田稅國家大貢而間或有代納者代納之害至此極矣
今聖主在上厲精圖治而尚有如此之事若因循不講至於
後日一有取斂之臣則民窮於下而上不之聞其為害可勝言

我養民重事取民大節 宗社大計也伏望 殿下特留宸念
謀及大臣快斷更張先取貢案一一講求水陸所產各就所有
之郡定之其不緊之物為之減省某物官自備納某物民自備
納其不得已不能備納者以為詳定令諸邑量出布貨輸之該
司令其司貿易以用如紙 芫油蜜白楮民可自納豹皮則官須
備納竹木則以海船運貢布則以江船運正鐵黃海諸郡納之
船隻炭燒木吐木不等方木水上山郡為之草則以屢處所有
而納之米則以民間所有不雜沙石者納之於是京中諸司留
難不時捧納者官吏庫子並加重典守令之勒令代納者朝官
之私自代納者各杖一百身充水軍永不叙用興利人及色吏
比強盜律置之大辟籍沒財產給賞告者一科田所以養士大
夫者也臣聞將置職田然朝士既食其祿又食職田而致仕之
臣與夫公卿大夫之子孫將不食一結田似乖所謂世祿之意
也我東方土瘠民貧士農各異若不食祿食租則與齊民無異
矣與齊民無異則國無世臣矣此不可不慮者也一人主臨公

卿大夫公卿大夫臨士庶人上以臨下下以承上非名分素定風俗已成不可以禦其智而制其力也今中外攸司各聽詞訟而又設擊鼓之法以伸冤抑遣問弊之使以糾貪虐可謂宣上德而達下情矣但抽籤多自己煩瑣之事投匭開後日誣構之漸以至麾旗於闕北哭泣於宮側亦違大半氣像所謂風俗者積之百年而乃成毀之一日而有餘伏望 殿下特慮後弊其麾旗哭泣者置之重典以革凌上之風以杜告訐之俗臣竊惟國家大業必始祖有大功於一國列聖施大德於斯民制法度而立紀綱明教化而一風俗於是臣僚盡心力而夾輔之君上納謀謨而維持之然後國家大業可萬世永享矣伏惟 殿下特留聖慮宗社幸甚一中朝將建衛于開州等處此國家門庭之患也平安之民非徒困於防戍亦甚困於入朝迎送之行大半流入於東八站及海蓋諸州一則土兵盡耗一則彼知我虛實非細故也雖後日為我之利亦安知後日為我之害為今之計正朝聖節外謝賀奏問進鷹等使比前日減三分之一合而

遣之或就付正朝聖節等使更減乾糧之數益嚴貿易之禁如是則迎送之弊庶可息矣又安州以北貢物他道所無貂鼠皮人參外一切永除其沒蕃還本人超三資授職限五年復戶於是江邊渭原之民合于滿浦移理山于立石移碧潼于城干各置一邑以通江界之路以昌城合于朔州定寧亦置僉使只留土兵不使南民入戍如此則江界朔州義州三鎮之勢壯而理山碧潼本居山後與閭延茂昌一體其在疆域之中如古也狄人固不得以窺覘亦不得以入侵矣防戍之弊豈不省哉一昔曹魏以鍾會伐蜀掾屬邵悌言於司馬昭曰會無任不若使他人行也其後會反伏辜果如悌言平安道地連他國咸吉道道路遼遠事多有可慮者考之前朝史可知也在今日則萬無此慮為後日計不可不自今日而為之也今後兩界監司兵使勿令率妻子赴任至於咸興安州以北守令亦勿令率眷以行以除斯民之弊以為萬世之慮一國家東南之敵對馬島為近若他日有不靜之事則不必大舉遠征不必入險爭利但以輕舟數

百乘風直指其處以火砲盡焚其舟楫則舟不藏之於山皆浮于海不過數次島中之倭可使之餓而死也至於野人平安無事則虜我民畜與師入征則駟山遠道禦之平之得策甚難漢唐之侍此類多通婚媾前此野人之投化者例給賤口嫁良夫所生非所以綏遠人一隣國之義也我國雖禮樂文物侔擬中國而亦在東海之外豈可以此而賤待北人乎今後野人之投化者以族屬強弱分為三等一等於門蔭士大夫家二等於雜職士夫家三等於平民家通婚其行城城底及三東良等處野人或於附近土著軍戶如此分等通婚一大抵兵貴精不貴多我國人民無慮一百萬戶其中控弦三十萬精兵一十萬勇士三萬如內禁衛兼司僕別侍試二百步甲士別侍衛試一百五十步破敵軍隊卒正兵騎船軍試一百步以至雜色騎步並試百步於是試才者為主戶無才者為挾戶定其額數易以養彌子以分樂番子以定留朔禁其代立隨闕充補使百世不易七則無一兵不試才者也一軍政國家重事也臣常欲無一丁

以國民而漏籍無一人以單丁而立戶今軍籍以二丁為一保以四保為一騎兵然以三丁為一保則一人為戶主治兵一人為率丁治農一人為餘丁轉移執事一戶實矣二丁為一保則一人為戶主治兵一人為率丁治農而無餘丁戶不實矣以四弱戶養一騎兵不若以三富戶養一兵也况有事則既皆付籍皆可抄而為兵矣平時則損其戶數以養民力不亦可乎且作保所以編戶口也則不計田地之數而只計人丁之數可也但差役之苛欲其均也則專計田地之數而不并計人丁之數亦可也如烟戶雜色彭排隊率一保自為一兵船軍正兵二保為一兵甲士別侍衛三保為一兵此祇徒使兵家足也民生日用不可以雙丁為一戶也一咸吉道本 聖祖興運之地也 世宗朝始建五鎮以五大君賜鄉五鎮之人至今以為羨談今後亦倣是意咸興以北諸郡以堂上官以上宗親分賜為鄉各置奴子一戶以固根本之地一 平安道西隣大明而人皆入鎮本無土姓且近日勒令墾田人多憚行乞今親功臣及原從功臣二品

以上分賜食邑如三公食邑平壤府一千戶正一品安州牧七
百戶從一品成川府五百戶正二品嘉山郡三百戶從二品永
柔縣一百戶實不食租稅但歲時通刺仍各置奴子一戶州中
之事同心布置使內外相維體統相制至于子孫亦襲其號
一納之移兩界監司皆不令率眷赴任○辛未平安道觀察使
據滿浦節制使呈啓李豆里來言充尚管下多漢見毛憐衛元
良哈伊波等領五百餘騎渡吾乙面江而西問其所向多浪哈
答曰吾輩往年欲入朝到遼東自持良馬一匹黑貂皮三十張
者外不許入朝以故欲入遼東剽掠人物以雪宿憤上召高
靈君申叔舟綾城君具致寬玉山君躋銀川君積及諸將議增
平安道軍官遂命李德良金奉元各率精兵二十人往焉○
御後苑觀放鷹○承政院奉旨馳書于京畿諸邑守令曰聽崔
適言捕松鶻機械盡心布置○壬申傳旨義禁府曰府所鞫
捕盜冒賞者多而無元呈告狀及置簿凡可考文書難以閱實
其賞職賞布免賤人等一切改正其中情迹已現者據證發明

者自告首他者並依法分揀且刑曹書吏任情為姦滅去文籍而官吏不能檢舉其並効之○承政院奉旨馳書于京畿忠清道觀察使曰前諭十月前啓空獄今江原黃海道已啓獄空而卿過限不啓可乎斯速空獄○大司憲梁誠之上疏曰伏覲主上殿下乃於聽政之暇留神文教以易學詩文韻書字體樂譜與夫天文風水醫藥卜筮農桑畜牧等事分命諸臣撰次以進臣以庸劣亦承嚴命不勝感激博考典籍盡心編摩然臣竊意史記所以考前代之善惡為萬世之勸戒最切治體與性理之書相為體用者也地理所以載州郡沿革山河阨塞蕭何以之先收圖籍東坡以之指掌作圖是誠大國之不可無者也至於兵法所以論征戰勝敗尤當撮要以訓將士者也乞諸家兵法史記地圖並令輯錄以成一代之典仍使殿講之日或於請燕之暇以資治綱目續編綱目東國史略高麗史等書進講于以考前代成敗于以論當今治道不勝幸甚上曰兵法史記抄錄為難仍謂叔舟曰誠之所撰東國圖經子將刊板以

觀○癸酉以成任為刑曹判書金從舜戶曹參判洪應中樞府
同知事黃海道觀察使沈濬加嘉靖以濬先啓空獄也 上以
李永禧權季禧濫受捕盜賞職應為刑曹判書不能發摘故左
遷是日罷問弊使所劾守令三十餘人以鄭潔為清州牧使鄭
自洋為江陵大都護府使領議政韓明澮進曰守令窳穢甚多
若拘考滿之法難以填差請今日毋拘此法從之○命承旨等
庶事聽世子裁決○有人哭于白岳山 上遣人視之乃永同縣
僧玉圭也玉圭言曾將縣官金廷光侵害百姓十餘事因探籌
以啓至今無可否是以哭之 上命取探籌單字視之纔錄小
事二條其餘大事皆不錄 上怒曰廷光乃國光之弟是以略
之上下掩護民瘼何由得達乃命玉圭所言具錄更啓○甲戌
冬至百官陳賀設酌孝寧大君補河東君鄭麟趾蓬原君鄭昌
孫高靈君申叔舟領議政韓明澮綾城君具致寬左議政沈澮
右議政黃守身中樞府判事沈決知事尹士昕金旣兵曹判書
金國光吏曹判書韓繼禧戶曹判書盧思慎禮曹判書姜希孟

工曹判書任元濬中樞府同知事鄭自英吏曹參判慎承善兵
曹參判朴仲善刑曹參判鄭蘭宗及諸將入侍上與宰相講
易日暮乃罷○乙亥召都承旨申泚左承旨尹弼商入內議
犯禁守令罪○選歌妓八人并農歌姬號為九妓農歌姬者唱農
歌女也家貧與其夫日往市肆唱農歌乞丐為生上聞之月
給資糧每於內宴必命姬唱農歌以為歡亦知民事之艱難
○傳于戶曹年平原大君夫人洪氏給大君祿終其身○丙子
召高靈君申叔舟綾城君具致寬領議政韓明滄左議政沈滄
左贊成崔恒右贊成曹錫文都承旨申泚左承旨尹弼商議犯
禁守令罪又命弼商往義禁府當直廳鞫永川郡守崔顯善
山都護來使申叔良等亦問弊使所啓也○丁丑遣報祭別監
侍講吟文學金孝昌于京畿軍資僉正柳自濱于忠清道軍器
主簿權仲禧東部主簿鄭孝終于全羅道工曹佐郎金利用于
江原道辨定院司評許讓于黃海道京市署令沈滄于咸吉道
尚衣院僉正安訓于平安道傳香于觀察使之後推鞫問弊

使所劾守令○日本國對馬州太守平朝臣宗成職肥前州上
松浦九島主藤原次郎各遣人來獻土物○戊寅平安道觀察
使吳伯昌進白雉○承政院奉旨馳書令慶尚道觀察使械送
熊川縣監宣孝光義興縣監李期聃全羅道觀察使械送綾
城縣監辛尚調江原道觀察使械送平海郡守朴績祖歙谷縣令
金淨黃海道觀察使械送遂安郡守鄭崇義此守令犯法之尤
者也○傳旨刑曹曰前龍宮縣監宋守殷決杖一百屬官奴前
陝川郡守權得經水川郡守甲命之真實縣監李質玄風縣監
孫閏生昌原府使李壽生密陽府使禹垓決杖一百收告身江
華府使禹繼蕃金城縣監李仁順高敞縣監蔡申命盈德縣令
金惶文義縣令趙靖礪山郡守趙崇智收告身山陰縣監鄭成
良漆原縣監崔安智高靈縣監李永纂三嘉縣監文碩漢平壤
判官李壽朋成川府使李惇仁江陵府使金仲廉判官李貴華
原州牧使金克己判官鄭和禮泉郡守金祗藍浦縣監吳子善
永春縣監曹尚謙鎮川縣監裴止訥懷仁縣監成繼姓沃川郡

守金映璧全義縣監崔鎮林川郡守朴輝咸安郡守柳訓豐基
郡守禹場潭陽府使薛晟河東縣監尹慎德青松府使崔尚柔
咸昌縣監權漢生成平縣監成繼曾陰城縣監金淮旌善郡守
朴繼姓奉化縣監柳暄果川縣監尹繼智前全義縣監金嗣源
樂安郡守尹利清州牧使黃守正判官琴以詠咸陽郡守盧蓋
卿前果川縣監任彭孫包伊浦萬戶鄭慎之甘浦萬戶庾善言
罷職○已卯 中宮誕日百官陳賀河東君鄭麟趾高靈君申
叔舟領議政韓明澮左議政沈澮綾城君具致寬左贊成崔恒
中樞府判事尹士昉知事尹士昕西原君韓繼美吏曹判書韓
繼禧戶曹判書盧思慎工曹判書任元濬刑曹參判鄭蘭宗承
旨等及 中宮族親侍宴賜中樞府僉知事李孝常金帶孝常
於 中宮族親最年老故有是賜時以將講武始置校尉二十人
著紅帽紺衣帶劔持鎖列立庭下 命賜酒○平安道觀察使
吳伯昌馳啓唐人金阿勿來告曰野人三十餘名欲入寇夫乙
厚里等處因向大權冬乙羅又啓前承諭書或言嘗因水漲鴨

綠江九龍淵水溢出合于狄江水落則川枯若掘其高處以通
水道狄江水深則三島耕稼無虞卿親語義州牧使宣炯因水
漲時審其地勢高下用功多寡以啓臣與炯審狄江之北地勢
高元鴨江之南地勢卑下狄江支流合于鴨江掘其高處則狄
江及淺而無利且相距遙遠用功為難○庚辰 傳旨刑曹曰
前善山府使辛叔良前青山縣監丁淑雖非功臣勿決杖並徵
贖○命世子及兒宗入內苑射猪○中宮族親等謝恩 命召
李季男閔永肩等講大學陣法○慶尚左道軍容使延城君朴
元亨來復命○領議政韓明澮以平安道事變獻議 上曰明
日與申叔舟具致寬朴元亨同議○上慮無識之徒履涉薄水
渡關津以致陷沒 命部將各率軍士分往禁涉○辛巳 召
高靈君申叔舟綾城君具致寬延城君朴元亨領議政韓明澮
左議政沈澮左贊成崔恒都承旨申澍議邊事○平安道觀察
使吳伯昌馳啓李滿住子毛只乃來告曰兀良哈阿邑可末乙
彥率軍四百名繼多郎哈而去○咸吉道節度使康孝文奉書

于承政院以啓曰臣以事目內辭緣諭野人弓里應巨等扣頭謝罪而去前此弓里應巨等擅殺邊民其罪當死 上特降諭書曰既自來服且經大宥徵血價放赦○賜河東君鄭麟趾官婢一名前此 中宮誕辰宴妓小千金呈巫戲麟趾觀而樂之上曰將賜此妓以娛卿麟趾辭至是有是命○承政院奉旨馳書于黃海道觀察使曰前日所選道內驍勇鄉吏送于平安道令戍邊○壬午昨日微雪 上遣人尋虎跡得於懿墓即 命韓繼美領軍往捕正兵一人傷於虎 命宣傳官金利貞醫貞鄭興智贊藥往救○命刑曹捕囚金銀銅鐵代納人等○平安道觀察使吳伯昌據義州節制使宣炯呈啓被虜逃來唐女言本居松站十月二十四日野人入松站及伯顏洞盡虜人畜以女年老棄之而去迷失歸路而來女在賊中聞賊欲分兵入寇遼東及夫乙厚里 上示申叔舟韓明滄及議政府都摠府議之左議政沈滄以為今當冰合賊虜橫行宜固戍禦請擇京軍壯勇者五十餘人別遣將帥率領赴防申叔舟以為速諭監司及

承文院判校趙安貞詳問唐女根脚及賊形勢以啓俸例解送
回諭曰卿與趙安貞備細取招啓達時安貞以點馬別監徃義
州○癸未 御忠順堂召高靈君申叔舟領議政韓明澮左議
政沈澮綾城君具致寬延城君朴元亨等議推刷諸道流移人
物事又講儒生經書○教諸道觀察使曰元后作父母惟在體仁
守令任字牧當先愛民子以寡昧叨主兆庶常軫匹夫不獲其
所思得糞黃輿之共理第以幅員之廣容有闡葺之輩侮法售
姦剥民肥己予非不知姑且優容冀自斂飭尚聞頑迷肆行貪
殘乃降諭札諄切示戒令揭官門朝夕警省仍遣問弊使庶
糾諸邑違法病民者頗多然以立法之初又更寬假抵罪有差
自今復有違法者當依法痛繩罔或少貸且不臧厥臧人罔攸
勸如有公明清真治為一道最者舉一人以聞予將擢拔監司任
專糾劾而如綾花席子等物眼前犯法慢不致察於守令何
責嗚呼黜陟幽明予欲永底乎乂安激濁揚清卿亦毋負於委
任○諭諸道觀察使曰流移人物推刷還本之法申明者屢矣

然本邑及所至之邑守令等曾不奉行監司亦不糾察甚非委任之意今方檢戶籍給號牌其戶口增減及到接新舊檢覈為難宜各用心推訪流移與刷得之數每歲抄錄啓○賜河東君鄭麟趾開城君崔濡中樞府同知事李邊等几杖○甲申命龜城君浚巴山君趙得琳司僕副正沈瀚等議置揚州牧場事○命狼川縣監梁琥咸陽郡守盧蓋卿並還仕琥誠之子蓋卿成奉祖孫婿也 賜改蓋卿名曰善卿○台刑曹叅判鄭蘭宗左副承旨魚世恭各率郎廳三人檢覈橫看逐日親啓○尼麻車兀狄哈阿仁加茂阿漢主等來獻土物○乙酉 召左承旨尹弼商 傳曰陰城囚私奴難令刑曹詳覆難金尹士昕之奴恃勢徵斂奪人牛馬無所不為人甚苦之 上聞之因繫累歲至是始定罪○大司憲梁誠之上書一 祖宗實錄一國萬世之史也 太祖太宗恭請王實錄皆書四件春秋館及外三吏庫各藏一件 世宗文宗兩朝實錄只書一件藏于春秋館甚為未備然欲書之則事功難成幸今新鑄小字之命

典校署印出三件藏外三庫一本國書冊敬重如寶錄緊關如
軍案例以鐵錫鎖其背或以綾段粧其衣非徒誨盜猝有急遽
不得措其手然又不可不曲為之慮也須一件重大以備小盜
之偷須一件輕便以備倉卒今兩朝實錄一件既已重大書藏
今以小字印出三件除鐵錫之飾綾段之衣而藏之則大小之
變無所不可而事功亦易以成矣且太祖太宗恭靖大王實
錄亦一件小字印出藏之一時政記不可不急也若歲月差久
則文籍散失國家大典諸臣擬議泯沒無傳誠為可慮乞自壬
申五月至今丙戌年十一月議政府六曹臺諫承政院文書聚
于春秋館以藝文館祿官五人兼官五人二人為一廳各分三
年而編摩之仍令春秋館堂上考察以為日課以成重事一外
史庫藏書之處也皆寄置官舍甚不嚴密非徒火災可慮且
有他日外寇之慮乞遣官審視擇人烟相隔處移之或以全州
史庫移于南原之智異山星州史庫移于善山之金鰲山忠州
史庫移于清風之月岳山並依寺刹仍給位田又令近村民戶

守之是誠藏之名山之義也一書籍之自中國來者雖或散逸猶復可求唯本國之書苟一失之得之無由乞東國所撰之書一皆磨勘其件數不足者或印出或傳寫或購求以成十件弘文春秋館及外三史庫各藏二件右春秋館及外三史庫文武樓內不緊書冊並皆刷出分置藝文成均館與校署以革混雜難考之弊一弘文館春秋館所藏如元史宋史等一件書冊一皆抄名以入直忠義忠贊衛及書房色諸司吏典就弘文春秋兩館謄寫或以本文分送于下三道令界首官監掌傳寫或於中外購求以備三件藏之一書冊板本京中則與校署掌之外方則別無所掌既不知某書可印又不能檢舉而修補之甚為不可乞令政院下書八道如某郡某某書板凡幾張又板之剝朽與否一一開寫仍以常楮各印一件上送其剝朽不用者外使守令載之解由以為傳授使典校署為之考察一鏡筒謄錄國家秘密文書也春秋館有一件文武樓有二十一件自弘文館入內一件軍器監有幾件萬一姦細偷之因以為利則東南之

害不可勝言乞以諺字書寫內外史庫各藏三件弘文館三件
稱臣堅封其漢字書寫者並皆燒毀以為萬世之慮一東國文
籍自檀君至本朝歷歷可考非他蕃國遼金西夏之比也而近
因還紙之利紙匠男女或偷承政院日記或偷寺社經文於是嚴
立法制擬定徙邊或行大辟然猶未已本國文史公私文券將
至無遺至可慮也然不立重法終不能禁制也乞限風俗歸正
其作還紙者依棄毀制書律施行其窩主勿論曾赦勿問貴賤杖
一百全家徙邊以財產給告者市裏買賣者民家行用者官府
行用吏典並杖一百身充水軍官負亦杖一百永不叙用一今
典校署印出書冊內出於一時之事不必傳久者外例將十件
弘文館藏二件春秋館外三庫典校署文武樓藝文館成均館
各藏一件傳曰予知之○慶尚道南海人上言本道巨濟縣及
全羅道珍島縣在海中絕島倭寇充斥之地故不令民徙邊本
縣與二縣無異而獨徙九戶乞勿徙 命下兵曹議之兵曹啓
南海縣海島防禦之地請於九戶內未入送五戶勿令并徙從

之○丙戌召申叔舟崔恒金國光韓繼禧盧思慎姜希孟任元
濬語及平安道聲息叔舟議皆稱旨 上曰卿與予同庚凡所
施設甚愜予意可進一爵為懽叔舟稽首進酒○平安道觀察
使吳伯昌馳啓李滿住管下李古那等來告本月九日兀良哈
末乙彥阿邑可等率四百餘騎向遼東而去 命下兩府議之
皆以為節度使隄備已具○傳曰東西班祿牌吏兵曹分掌且
諸司上直省記勿啓但闕內諸司在前吏曹啓省記者令兵曹
啓之○兵曹詳定守令率去奴婢馬匹數以啓府尹大都護府
使牧使都護府使奴二口婢三口大小馬各二匹判官及郡守
縣令監奴婢各一口大小馬各一匹教官奴一口馬一匹未挈
家守令內堂上官奴二口其餘奴一口馬並大二匹小一匹其
迎送騶從守令則依本品鋪馬之數家累則府大都護府牧官
各二十匹都護府十七匹郡以下十五匹人數隨其馬數皆以
鄉吏日守邑奴抄定從之○地震于慶尚道慶州義興永川河
陽降香祝行鮮恠祭○丁亥內廂庫所藏角弓耗欠三百餘

張命永順君溥等鞫弓房宦官任元山金孝江於友善堂各杖十餘下竟未得情○戊子命左承旨尹弼商往義禁府當直廳鞫問歙谷縣令金淨等決杖一百收告身以勒令代納也○黃海道康翎縣人獵得白鹿殪之觀察使沈璿以為瑞世之物進其皮○司憲府據平安道問弊致差官安訓啓本啓觀察使吳伯昌依憑習陣徵軍士之不至者每一日綿布一匹二十六尺凡一月兩度所徵綿布四百七十餘匹則一年二十四度所徵無慮千百匹而本府移文伯昌而問之則荅以未嘗徵贖姦詐莫甚以一方統察先自犯法何以率下且平安軍士戍邊及往來遼東之苦倍於他道雖甚存恤猶或流亡今伯昌凡關習陣者曾不科罪督徵絲布剝民自貳流亡相繼不合分憂之任請罷黜以警後來以慰一道軍民之望留中不下○庚寅賜登俊試武臣崔適等紅牌乙科以上賜鞍馬有差仍賜恩榮宴于議政府遣都承旨申漸左承旨尹弼商賜宣醞命高靈君申叔舟領議政韓明澮綾城君具致寬右議政黃守身

左贊成崔恒右贊成曹錫文中樞府知事康純同知事李好誠
兵曹判書金國光吏曹判書韓繼禧戶曹判書盧思慎工曹判
書任元濬刑曹判書成任歷宴適世係微賤少時至為牛馬從
然武藝絕人為上所知得至大夫人皆榮之○平安道節度
使金謙光馳啟正朝使趙瑾護送虞侯朴星孫來告越江三日
宿夫乙厚里唐人終信言十月二十五日野人入通遠堡殺擄
人畜指揮密英出戰死之賊分屯夫乙厚里深浦雙嶺往來標
掠鄧御史領千餘兵戰琥珀洞不勝而還胡叅將王指揮亦到
開州追戰又宋叅將朱叅將領兵直到李滿住所居執滿住問
其子等所在仍攻殺所管三屯縛致滿住及家屬於胡叅將王
指揮在處然其後滿住所送人到滿浦不言其事則終信之言
未可信也○辛卯登俊試崔適謝息申叔舟以下亦來謝息
上引見忠順堂賜酒○癸巳登俊試崔適等奉箋謝息進豐呈
上御勤政殿受之王世子與孝寧大君補河東君鄭麟趾高
靈君申叔舟領議政韓明滄綾城君具致寬左議政沈滄右議

政黃守身中樞府領事沈決知事尹士昕左贊成崔恒左叅贊
尹子雲及承旨等入侍龜城君浚勿巨尹徹毛山都正僖亦以
登俊試赴宴適及行護軍閔叅入坐殿內其餘舉人坐於月臺
上樂奏定太業保太平尼麻車兀狄哈萬戶阿仁加茂等亦侍
宴上召謂曰爾等跋履險阻來覲于今四度爾之誠款可尚
然無乃勞苦乎加茂對曰殿下仁息廣大所存館待尤厚加
以驛騎無滯有何勞苦乎上曰汝雖為萬戶自是例職何足
為榮今將授汝大官厚祿汝其知之仍命進酒又賜金帶加茂
稽顙拜謝撤御卓賜之加賜酒肉上令四妓及登俊試人
就前起舞又命永順君溥執檀板領樂極歡及酒酣上令
叔舟扶入康寧殿又召麟趾明澮致寬守身令四妓及兒宗
起舞夜深乃罷○甲午平安道節度使金謙光馳啓都督李古納
哈等使其弟阿具等來告曰咸吉道兀良哈百餘兵入寇遼東
而回誇之曰盡掠遼東人畜而去予適聞皇帝有勅賜故未
得親告○傳于義禁府曰宦官李貴存朴林金孝江等偷弓房

雜物張得南徐義石淵深任元山李翠等弓房雜物多致虧欠
並推鞠以啓○乙未 召高靈君申叔舟綾城君具致寬領議
政韓明澮左議政沈澮右議政黃守身右贊成曹錫文于賓廳
命左贊成崔恒吏曹判書韓繼禧戶曹判書盧思慎禮曹判
書姜希益工曹判書任元濬都承旨申澗就議明年巡幸慶尚
全羅道事又召叔舟等入內 親議便否皆對曰便即 命禮
曹預備諸事○上聞豐儲倉奴長命負公債囚械累年凍餒日
甚 命注書徃典獄拿來問根因 賜衣放遣○丙辰 召高
靈君申叔舟綾城君具致寬領議政韓明澮左議政沈澮右議
政黃守身兵曹判書金國光吏曹判書韓繼禧戶曹判書盧思
慎工曹判書任元濬左贊成崔恒及承旨等于內又議巡幸時
事○承政院奉旨馳書于平安道節制使金謙光曰本道人心
近日不安其居流移遷徙者不止且有聲息年又失農聞卿召
內地守令赴防何示人不靖恐動至斯不可使聞於人也若不
得已則已非不得已則宜還守 令等速治救荒安集新舊百姓

制敵之術善用之則數百精兵足以破之卿其審勢施行○上
召韓縵美黃致身許亨孫林得楨李亨孫柳均韓終孫洪純老
韓瑞龜李尹仁張進忠裴孟達李孟孫柳興茂鄭仁耘權從孫
薛成林王宗信權期及諸軍士等親授節度令習陣於內苑衛
將均亨孫等結陣失律命罷陣使射侯崔適最中多即賜馬
一匹日暮設酌與宗宰極歡命世子行酒又賜明澮馬一匹○
以尼麻車兀狄哈阿仁加茂為中樞府同知事○遣巴山君趙
得琳鎮撫閔惲審定巡幸所過波吾達○傳于內需所賜洪允
成正布五十匹○丁酉戶曹判書盧思慎設燈試同年宴
上命凡同榜者雖闕內入直皆往赴又慮夜深不得入命留
待之○承政院奉旨馳書于京畿忠清慶尚全羅道觀察使曰
巡幸時道路橋梁行宮修治等事趙得琳所言外毋敢擅為○
戶曹據京畿節度使啓本啓諸邑國屯田並令船軍治之留浦
軍少防禦疎虞請播種五六石以下令其邑人吏日守奴婢治
之七八石以上依大典令船軍治之下詳定所議之○十二月

戊戌朔命銀川君積玉山君躋毛山都正僖往冰庫檢藏冰事
○己亥御忠順堂召魚世恭鄭蘭宗參覈橫看差誤處詳加改
正又命都承旨抄犯禁守令等罪以啓蓋慮情法或有可論而
等蒙也○傳旨司憲府曰漢城府以徵債囚禁者至三四年不
放故曾下旨令速徵放遣而庶尹崔均判官趙信參軍韓峻
權恩榮等慢不奉行其推劾以聞上慮狂獄多滯錄囚徒覽
之有是命漢城府囚徒皆負債未償者○辛丑御忠順堂召高
靈君申叔舟領議政韓明澮綾城君具致寬都承旨申所及詳
定所堂上議犯禁守令罪名辛尚調劉昭朴續祖劉季周任漢
等親問代納之故皆對曰監司據刊經都監關文行移故臣等
重寔監司之言犯禁至此上謂宗宰曰此輩實無罪責在都監
與觀察使耳其置勿論命泐覈實以啓凡在原則者幾至二十
人丁淑亦在其中 上謂諸宰樞曰此所謂青山者耶於青山
何責乎淑嘗於忠清道行 幸時犯蹕上問汝誰耶淑對曰青
山故云時致寬亦都監提調 上曰此致寬之罪也其賜罰統

○火刺温兀狄哈都萬戶阿克介等四人來獻土物○壬寅兀
良哈都萬戶阿克介等四人來獻土物○有人告鐘樓南偏有
温泉命永順君溥往尋之竟不得○傳于戶曹曰來丁亥年慶
尚全羅道巡幸時侍衛京軍士有自願換米豆者聽○癸卯平
安道觀察使吳伯昌馳啓理山體探甲士金仲善於婆瀦江得
一被擄唐女安邑箴招云我本遼東松姑里人也去十月二十
六日兀良哈侵掠我里及不明里女亦被擄聞有兀良哈一人
欲寇朝鮮衆曰朝鮮軍士猛如羣蜂又好夜戰不如往遼東易
如拾芥遂結黨而去女伺家空逃來答諭曰送唐女于義州待
命○命刑曹還給鄭崇義高台弼辛叔良辛閏祖崔灝淑申
命之羅裕善權得經李壽生李質告身宣孝光文碩漢朴輝金
淮鄭慎之庾善言李基聃劉季周辛尚調劉昭朴纘祖任漢並
勿論仍命吏曹叙用○乙巳野人副萬戶麻乙其乃等六人來
獻土物○咸吉道節度使康孝文馳啓今十一月十五日尼麻
車兀狄哈蘇主等二百餘騎突入會寧鎮烟臺下童速魯帖木

兒住處焚其廬舍二十二區搶奪牛馬財產殆盡少陽可私古
老中箭死兀狄哈有解我國語者五六人棄兵仗進烟臺下言
曰吾等與大國本無仇隙所以來者蓋為斡朶里報讎耳遂退
御札事目示議政府都摠府一令適阿仁帖木兒來朝宜語之
令和解一斡朶里若又被侵欲入長城內則宜有處置一被寇
人內為首人等上送申叔舟具致寬等議曰尼麻車與斡他里
和解事依 上旨俟阿仁帖木兒回時語之為便阿仁帖木兒
蘇主從兄弟也斡他里入長城事前此潛避入城國家若初不
知者今亦如此勿令兀狄哈生釁被賊者上送事若論以被賊
而上送則於事體未穩且不可使聞於彼可依他上送其中不
能自存者依前例餵米穀存撫使不失業命以此荅諭○丙午
尼麻車兀狄哈中樞府同知事阿仁帖木兒辭命饋於賓廳賜
彩段衣一領○遣中樞府僉知事成有知如大明有知即免文進
海青文魚又遣司譯院正黃中管押被擄逃來唐人韓我石等
三名解赴遼東○丁未御華譚堂召左贊成崔恒左叅贊尹子雲

吏曹判書韓繼禧戶曹判書盧思慎刑曹判書成任都承旨申
漸行上護軍崔適成均館直講金紐辦定院司議文修德以子
雲為平安道堤堰牧場給田使適為副紐修德為從事官上
呼子雲謂曰今天甚寒煩卿跋涉非予本意念西方之事非卿
莫可委也可勿憚勞遂賜裘衣及靴○戊申諭平安道節度使
金謙光曰同封事目及尹子雲所言聽悉施行其事目曰平安
兵大槩三萬分三番則一番一萬分屯江邊或合屯為一或散
屯為十或屯於此或屯於彼或田獵江外或焚燒山林使賊莫
測又須考察雜色軍士戎器無時聚會放散使各知其旗○己
酉召高靈君申叔舟綾城君具致寬領議政韓明澮左議政沈
澮右議政黃守身延城君村元亨左贊成崔恒右贊成曹錫文
中樞府判事金守溫同知事徐居正左叅贊尹子雲戶曹判書
盧思慎禮曹判書姜希孟行上護軍崔適直講金紐承旨等設
酌餞子雲○傳旨禮曹兵曹曰今停慶尚全羅道行幸將以明
春幸忠清道溫陽○尹子雲辭其賚去事目一屯兵處看審一

秘密布置不露形迹一知軍數一入居人給田○平安道觀察使吳伯昌據滿浦節制使呈馳啓古納哈來言去家西二日程迴隅住管下先波右言毛憐衛兀良哈多良哈阿邑可伊波領軍入遼東擄人畜并一千餘遼東總兵管追來接戰兀良哈指揮伐伊應哥中流矢死其餘中箭者二十四人又李權亦來言遼東守關將宋叅將帥三千餘兵前月七八日間與童倉管下戰擒殺男女一百十二人○庚戌咸吉道節制使康孝文馳啓臣聞諸近境野人云東良西里住兀良哈多良哈伊波與無乙界住羅下伐引住於夫介愁陽哥吾治安住汝赤阿赤郎耳注多弄介方只金阿堂介堡兒下住時堂介毛里安住阿下等領三百餘兵與尼麻車兀狄哈兵合摠五百餘兵入遼東擄男女五百餘人當時未及回還還則當更詞問具啓又啓曾奉諭書內骨看兀狄哈邊時羅曾入慶興擄樵採人全可於諸野人上京時并許上京使之聞之彼當自來臣依諭書措置邊時羅傳言我欲入朝方患疹疾姑就兵使謝罪回諭曰毛憐衛人等入寇遼東

事後當自知不必綢繆更問示人輕重骨者亦不必招誘任其
以為可也凡大將當自嚴重卿宜知悉○傳旨刑曹曰宦官金
自明決杖一百本鄉充軍○咸吉道觀察使吳凝獻琴一張○
壬子御華韓堂河東君鄭麟趾蓬原君鄭昌孫高靈君申叔舟
領議政韓明澮左議政沈澮右議政黃守身延城君朴元亨兵
曹判書金國光吏曹判書韓繼禧右替成曹錫文戶曹判書盧
思慎承旨等入侍 上謂左右曰比來屢興土木工役不息以
勞民力予甚憫焉一切不急之役其議罷之且儒臣所纂諸書
多歷歲月未畢讎校不副予意其中不緊書亦令勿撰○諭咸
吉道節度使康孝文曰同封事目密審施行近日平安道所啓
及赴明使臣聞見事件亦宜看詳大抵不關於我謹自隄備而
已其事目曰入寇遼東野人內有欲上京者勿以入寇為咎托
以他故勿許上送一前以巡幸命停野人朝京今已停巡幸依
前例上送一浪將家奴父與兄弟有欲入朝者從例上送○癸
丑元良哈李多弄介等八人來獻土物○洪常為儀賓府副賓

權擯司憲監察常應之子將以繫敬世子女泰安郡主下嫁擯
尹昭訓之五寸叔本以醫書習讀官隸內醫院醫術頗精故有
是命○甲寅三浦曉諭使藤安吉副使高台弼辭其賫去事目
一宣諭三浦倭人曰汝等初因販賣來寓三浦厥後潛投日增
歲在甲寅我先王命有司書諭爾島主盡令刷還請姑留六十
人至于今潛投益多無賴之徒得以容匿至劫逼萬戶殺掠漁
人予欲推究第念汝等妄自驚惧今諭島主使自推究故遣使
曉諭為首曉事者兩三人上京親聽予命一宣諭時供饋酒肉
令觀察使隨宜備給台安吉等令進酒密授曉諭節目各賜襖
子藥囊加賜安吉靴時三浦倭人來投日增生育寔繁禁防不
嚴漸益驕恣至有不可禁制者故諭之如此○平安道節制使
金謙光馳啓昌城節制使朴良信率京軍士及本鎮軍本月三日
渡江至何遷洞源駐禽觀兵而還上議于申叔舟韓明滄回
諭謙光曰今見卿啓知渡江觀兵事甚當然姑停待命且擇京
軍士可為將者三人各授精騎五十護送進鷹使戎允文舊路

則至通遠堡新路則沙川而止○骨看兀狄哈金麻尚哈等六
人來獻土物○乙卯 御華鞞堂召都摠管曹錫文韓繼美兵
曹察判朴仲善聚吹螺赤習角又 召詳定所堂上及承旨等
設酌刑曹察判鄭蘭宗左副承旨魚世恭亦因考覈橫看赴召
上謂蘭宗等曰爾等恪勤所事夜以繼日每月出宿私第不
過一二日可也仍 命將所覈錯誤處就前論駁○女真阿龍
等六人來獻土物○丙辰副賓洪常親迎泰安郡主于儀賓鄭
顯祖第 命二品以上命婦及諸宗宰圍繞○兀良哈柳於麟
可等六人來獻土物○丁巳日本國關西道筑前州僧融勘等
二人來獻土物○戊午 御華鞞堂河東君鄭麟趾蓬原君鄭
昌孫高靈君申叔舟領議政韓明澮左議政沈澮右議政黃守身
綾城君具致寬右贊成曹錫文兵曹判書金國光戶曹判書盧
思慎工曹判書任元濬刑曹判書成任都摠管鄭軾兵曹察判
朴仲善衛將許亨孫吳子慶林得植金山都正衍枰城都正律
及宣傳官承旨等入侍 上命衛將宣傳官講講武新舊事目

令相論難○骨看兀狄哈金無巨應於等七人來獻土物○已未御華韡堂召河東君鄭麟趾蓬原君鄭昌孫高靈君申叔舟領議政韓明澮綾城君具致寬左議政沈澮右議政黃守身右贊成曹錫文吏曹判書韓繼禧工曹判書任元濬戶曹判書盧思慎禮曹判書姜希孟刑曹判書成任中樞府同知事魚孝瞻都摠管鄭軾刑曹叅議申末舟及承旨諸將宣傳官等設酌通賜春幡子抹帽命以次進酒伶妓奏樂賜農歌姬裘衣一領○黃守身以掃墳往交河命盧思慎右承旨李壽男賈宣醞餞于延曙驛○火刺温兀狄哈照隣可等四人來獻土物○庚申命宗學導善李孟賢藝文館應教李淑城社稷署令盧公弼成均館學錄金礪石奉常寺叅奉崔淑精侍講院說書洪貴達南學訓導朴孝元藝文館奉教成倪待教李瓊仝承文院博士李德崇讀大明律盖慮律學之不明也○骨看兀狄哈劉無澄哈等七人日本國對馬州源茂崎等二人來獻土物○昌城府使朴良信帶安邊妓赴任事覺司憲府請罪不允○

辛酉 御華韓堂召誼城君寀咸陽卿誦永川副卿定樂安副

卿盜銀川君積玉山君躋鎮南君終生壽城都正昌湖山副正

鉉樞城副守頴牟陽副守植分左右擊棒賜勝者鹿皮一張

○以洪允成為仁山君李李町兼執義先是允成丁憂起復為

節度使其時嘗至一家宿其家人以脅我處子發訴 命劾允

成其家人坐誣訴竟為允成所畜○元良台劉阿赤哈等八人

來獻土物○壬戌 御華韓堂召河東君鄭麟趾高靈君申叔

舟蓬原君鄭昌孫綾城君具致寬延城君朴元亨領議政韓明

澮左議政沈澮右贊成曹錫文及祥定所堂上及承旨等議金

宗蓮吳達善罪 上曰吳達善濫刑殺人非過誤乃故犯也殘

忍莫甚罪不可赦獄卒及辭連人並處斬金宗蓮罪固當死然

且寬貳置之生地尚不改悔避役自恣予雖欲赦柰國人何左

承旨尹弼商草傳旨以啓 上曰無乃有可疑處乎遂 命弼

商徃義禁府更鞫之○癸亥 御華韓堂高靈君申叔舟領議

政韓明澮左議政沈澮綾城君具致寬右議政黃守身右贊成

曹錫文及詳定所堂上承旨等入侍 召衛將許亨孫權擊魚
得海林得楨吳子慶李尹仁康衣堤川副尹蓋柳均枰城都正
律壽城都正昌金山都正循又 召內禁衛兼司僕別侍衛甲
士能射者各十人令射侯○傳旨義禁府曰吳達善金貴明楊
仲生甫羅吳決等濫刑殺人金宗蓮附下罔上並處斬鄭變周
決杖一百永屬官奴○骨看兀狄哈李小冬哈等八人來獻土物
○甲子咸吉道觀察使吳凝馳啓本月十九日兀良哈柳尚冬
哈語臣曰近聞同類五百餘人入寇中朝擄男女四五人臣曰
中朝撫恤汝輩何為入寇尚冬哈曰前者天使之來同類多聚
于會寧鏡城以致為貴國所誅欲報讎中朝我強止之今不從
我言入寇耳臣言他不答尚冬哈更言吾輩兵非五百只二
百騎人各擄七八人以來所言似誇臣亦不答○乙丑兀良哈
柳尚冬哈等六人來獻土物○丙寅 御思政殿觀儺戲召密
城君琛德源君曙誼城君案烏山君澍成陽卿誦永川副卿定
樂安副卿空鎮南君終生河東君鄭麟趾蓬原君鄭昌孫高靈

君申叔舟領議政韓明澮綾城君具致寬左議政沈澮中樞府
領事沈決左贊成崔恒右贊成曹錫文仁山君洪允成吏曹判
書韓繼禧戶曹判書盧思慎兵曹判書金國光工曹判書任元
濬刑曹判書成任中樞府同知事洪應巴山君趙得琳及都摠
管承旨等入侍置酒至夜乃罷○丁卯火刺溫兀狄哈沙乙古
大等四人女真之下里等三人日本國對馬州而羅洒文家次等
二人來獻土物對馬州太守宗盛職代官宗盛直肥前州一岐
州真弓兵部少輔源永筑前州大宰府都督司馬少卿藤源朝
臣教賴對馬州佐護郡代官平朝臣宗大膳助茂友各遣人來
獻土物○上與中宮御忠順堂觀放火炮鄭麟趾鄭昌孫申叔
舟具致寬朴元亨洪允成韓明澮沈澮黃守身崔恒曹錫文韓
繼禧金國光盧思慎任元濬成任及諸將承旨等入侍設酌
命倭野人集慶會樓下觀放炮至夜乃罷

(B)
732.55
4724
[v.7]
no.14
0163751

昭和五年十月五日印刷
昭和五年十月十日發行

(景李朝實錄太白山本)

京城帝國大學法文學部

京城府蓬萊町三丁目六十二番地

印刷所 朝鮮印刷株式會社

(B)
732.55
4724
[v.7]
no.14